

究竟一乘寶性論卷第一

竭

後魏中印度三藏勒那摩提譯

教化品第一

我今悉歸命

切無上尊

吾聞法王藏

廣利諸群生

諸佛勝妙法

謗以為非法 愚癡無智慧

迷於邪正故

具足智慧人 善分別邪正

如是作論者

不違於正法 順三乘善提

對三界煩惱

雖是弟子造 正取邪則捨

善說名句義

初中後功德 智者聞是義

不取於餘法

如我知佛意 堅住深正義

如實修行者

取同於佛語 雖無善巧言

但有真實義

彼法應受持 如取金捨石

妙義如真金

巧語如瓦石 依名不依義

彼人無明盲

依自罪業障 謗諸佛妙法

如是諸人等

則為諸佛呵 或有取他心

謗諸佛妙法

如是諸人等 則為諸佛呵

為種種供養

謗諸佛妙法 如是諸人等

則為諸佛呵

愚癡及我慢 樂行於小法

謗法及法師

則為諸佛呵 外現威儀相

不識如來教

謗法及法師 則為諸佛呵

為求名聞故

起種種異說 謗法及法師

則為諸佛呵

說非修多羅 言是真實義

謗法及法師 則為諸佛呵 求利養攝眾 誰惑無智者 謗法及法師 則為諸佛呵

佛觀如是等 極惡罪眾生 慈悲心自在 為說法除苦 深智大慈悲 能如是利益

我說不求利 為正法大住

究竟一乘寶性論佛寶品第二

佛體無前際 及無中間際 亦復無後際

寂靜自覺知 既自覺知已 為欲令他知

是故為彼說 無畏常恒道 佛能執持彼

智慧慈悲力 及妙金剛杵 剖截諸苦芽

摧碎諸見山 覆藏顛倒意 及一切稠林

故我今敬禮

究竟一乘寶性論法寶品第三

非有亦非無 亦復非有無 亦非即於彼

亦復不離彼 不可得思量 非聞慧境界

出離言語道 內心知清涼 彼真妙法日

清淨無塵垢 大智慧光明 普照諸世間

能破諸暗障 覺觀貪瞋癡 一切煩惱等

故我今敬禮

究竟一乘寶性論僧寶品第四

正覺正知者 見一切眾生 清淨無有我

靜靜真實際 以慧知於彼 自性清淨心

見煩惱無實 故離諸煩惱 無障淨智者

如實見眾生 自性清淨性 佛法僧境界

無聞淨智者 見諸眾生性 遍無量境界 故我今敬禮

問曰依何等法 有此三寶 答曰偈言

真如有雜垢 及遠離諸垢 佛無量功德

及佛所作業 如是妙境界 是諸佛所知

依此妙法身 出生於三寶

究竟一乘寶性論初眾生有如來藏品第五

問曰云何得知 一切眾生有如來藏

答曰偈言

一切眾生界 不離諸佛智 以彼淨無垢

性體不二故 依一切諸佛 平等法性身

知一切眾生 皆有如來藏

又復略說偈言

體及因果業 相應及以行 時差別遍處

不變無差別 彼妙義次第 第一真法性

我如是略說 汝今應善知

此偈明何義 偈曰

自性常不染 如寶空淨水 信法及般若

三昧大悲等 淨我樂常等 彼岸功德果

默苦求涅槃 欲願等諸業 大海器寶水

無量不可盡 如燈明觸色 性功德如是

見實者說言 凡夫聖人佛 眾生如來藏

真如無差別 有不淨雜淨 及以善淨等

如是次第說衆生菩薩佛如空遍一切而空無分別自性無垢心亦遍無分別如虛空遍至體細塵不殊佛性遍衆生諸煩惱不殊如一切世間依虛空生滅依於無漏界有諸根生滅火不燒虛空若燒無是處如是老病死不能燒佛性地依於水住水復依於風風依於虛空空不依地等如是陰界根住煩惱業中諸煩惱業等住不善思惟不善思惟行住清淨心中自性清淨心不住彼諸法陰入界如地煩惱業如水不正念如風淨心界如空依性起邪念念起煩惱業依因煩惱業能起陰界入依止於五陰界入等諸法有諸根生滅如世界成壞淨心如虛空無因復無緣及無和合義亦無生住滅如虛空淨心常明無轉變為虛妄分別客塵煩惱染菩薩摩訶薩如實知佛性不生亦不滅又無老病等菩薩如是知得離於生死憐愍衆生故示現有生滅佛身不變異以得無盡法衆生所歸依以無邊際故常住不二法以離妄分別恒不執不作清淨心力故法身及如來聖諦與涅槃功德不相離

寶性論卷第一

第五

竭

如光不雜日

究竟乘寶性論無量煩惱所纏品第六

萎花中諸佛衆中蜜蜜皮粉等中寶糞穢中真金地中諸寶藏諸果子中芥朽故弊壞衣經裏真金像白鐵醜西女懷轉輪聖王煥黑泥樹中有上妙寶像衆生貪瞋癡妄想煩惱等塵勞諸垢中皆有如米藏華蜂糞蜜地界故弊衣貧賤女泥模煩惱垢相似佛室寶真金寶牙金像王上妙寶像等如來藏相似問曰華佛辭喻為明何義答曰言萎華者喻諸煩惱言諸佛者喻如來藏偈曰

功德莊嚴佛住於萎華中淨天眼者見去花顯諸佛佛眼觀自法遍一切衆生下至阿鼻獄具足如來藏自慶常佳際以慈悲方便令一切衆生遠離諸障導如朽故華中有諸佛如來天眼者見知除去萎華葉如來亦如是見貪煩惱垢不淨衆生中具足如來藏以大慈悲心憐愍世間故為一切衆生除煩惱花葉問曰蜂蜜辭喻為明何義答曰言群蜂者喻諸煩惱言美蜜者喻如來藏

寶性論卷第一 第五

竭

偈言

上妙美味蜜為群蜂圍遶須者設方便散蜂而取蜜如來亦如是以一切智眼見諸煩惱蜂圍遶佛性蜜以大方便利散彼煩惱蜂顯出如來藏如取蜜受用猶如百千億那由他諸魚遶障微妙蜜無有能近者有智者頂蜜殺害彼諸魚取上味美蜜隨意而受用無漏智如蜜在衆生身中煩惱如毒魚如來所殺害問曰指實辭喻為明何義答曰言皮捨者喻諸煩惱言內寶者喻如來藏偈言

穀實在糠中無人能受用時有須用者方便除皮捨佛見諸衆生身有如來性煩惱皮捨經不能作佛事以善方便力令三界衆生除煩惱皮捨隨意作佛事如稻穀麥等不難諸皮捨內實未淨治不任美食用如是如來藏不難煩惱捨令一切衆生煩惱所飢渴佛自在法王在衆生身中能以受味除彼飢渴苦問曰真金辭喻為明何義答曰真金辭喻者諸煩惱相似真金辭喻者如來藏相似偈言

寶性論卷第一

第六

竭

如人行遠路遺金糞穢中經百千歲住如本不變異淨天眼見已遍告衆人言此中有真金汝可取受用佛觀衆生性沒煩惱穢中為欲拔濟彼雨微妙法雨如於不淨地漏失真金寶諸天取了見衆生不能知諸天既見已語衆悉令知教除垢方便得淨真金用佛性金亦不墮煩惱穢中如來觀察已為說清淨法問曰地寶譬喻為明何義答曰地寶譬喻者諸煩惱相相似寶藏譬喻者如來藏相相似偈言

譬如貧人舍地有珍寶藏彼人不能知寶又不能言衆生亦如是於自心中不可思議無盡法寶藏雖有此寶藏不能自覺知以不覺知故受生死貧苦譬如珠寶藏在貧人宅人不言我寶實不言我此如是法寶藏在衆生心中衆生如貧人佛性如寶藏為欲令衆生得此珍寶故彼諸佛如來出現於世間問曰果芽譬喻為明何義答曰果皮譬喻者諸煩惱相相似子芽譬喻者如來藏相相似偈言

如種種果樹子芽不打破種地中水灌

實性論卷第一

第七張

瑪

生長成大樹一切諸衆生種種煩惱中皆有如來性無明皮所纏種諸善根地生彼菩提芽次第漸增長成如來樹王依地水火風空時日月緣多羅等種內出生大樹王一切諸衆生皆亦復如是煩惱果皮內有正覺子牙依白淨等法種種諸緣故次第漸增長成佛大法王問曰衣像譬喻為明何義答曰弊衣譬喻者諸煩惱相相似金像譬喻者如來藏相相似偈言

弊衣纏金像在於道路中諸天為人說此中有金像種種煩惱垢纏裹如來藏佛無障眼見下至阿鼻獄皆有如來身為今彼得故廣設諸方便說種種妙法金像弊衣纏墮在曠野路有天眼者見為淨示衆人衆生如來藏煩惱爛衣纏在世間險道而不自覺知佛眼觀衆生皆有如來藏為說種種法今彼得解脫問曰女王譬喻為明何義答曰賤女譬喻者諸煩惱相相似歌羅邏四大中有轉輪王身前者生死歌羅邏藏中有如來藏轉輪王相似偈言

譬如孤獨女住在貧窮舍身懷轉輪王

實性論卷第一

第八張

瑪

而不自覺知如彼貧窮舍三有亦如是懷胎女人者喻不淨衆生如彼藏中胎衆生性亦內有無垢性名為不孤獨貧女垢衣纏極醜陋受苦處於孤獨舍懷妊王重擔如是諸煩惱染汙衆生性受無量苦惱無有歸依處實有歸依處而無歸依心不覺自身中有如來藏故問曰摸像譬喻為明何義答曰泥摸譬喻者諸煩惱相相似寶像譬喻者如來藏相相似偈言

如人辭真金鑄在泥摸中外有煥黑泥內有真寶像彼人量已除除去外泥障開摸令顯現取內真寶像佛性常明淨客垢所染汙諸佛善觀察除障令顯現難垢明淨像在於穢泥中鑄師知無熱然後去泥障如來亦如是見衆生佛性儼然處煩惱如像在摸中能以巧方便善用說法摧打破煩惱顯發如來藏究竟一乘實性論為何義說品第七

問曰餘偈多羅中皆說一切空此中何故說有真如佛性偈言

實性論卷第一

第九張

瑪

皆有真如性 而不說空寂

答曰偈言

以有怯弱心 輕慢諸衆生 執著虛妄法

謗真如實性 計身有神我 為令如是等

遠離五種過 故說有佛性

究竟乘實性論身轉清淨成菩提品第八

淨得及遠離 自他利相應 伏止深快大

如彼所為義

初說佛菩提及得菩提方便偈言

向說佛法身 自性清淨體 為諸煩惱垢

客塵所染汙 譬如虛空中 離垢淨日月

為彼厚密雲 羅網之所覆 佛功德無垢

常恒及不變 不分別諸法 得無漏真智

次說無垢清淨體偈言

如清淨池水 無有諸塵濁 種種雜花樹

周匝常圍繞 如月離羅睺 日無雲翳等

無垢功德具 顯現即彼體 蜂王美味蜜

堅實淨真金 寶藏大果樹 無垢真金像

轉輪聖王身 妙寶如來像 如是等諸法

即是如來身

次說成就自利利他偈言

無漏及遍至 不滅法與恒 清涼不變異

不退寂靜處 諸佛如來身 如虛空無相

實性論卷第一 第十卷

四

為諸勝智者 作六根境界 示現微妙色

出乎妙音聲 令嗅佛戒香 真佛妙法味

使覺三昧觸 令知深妙法 細思惟稠林

佛離虛空相

次說第一義相應偈言

如空不思議 常恒及清涼 不變與寂靜

遍離諸分別 一切處不著 離閑處遍觸

亦不可見取 佛淨心無垢

次說佛法身偈言

非初非中後 不破壞不二 遠離於三界

無垢无分別 此甚深境界 非二乘所知

具勝三昧慧 如是人能見 出過於恒沙

不思議功德 唯如來成就 不與餘人共

如來妙色身 清淨無垢體 遠離諸煩惱

及一切習氣 種種勝妙法 光明以為體

今衆生解脫 常無有休息 所作不思議

如摩尼寶王 能現種種形 而彼體非實

為世間說法 示現寂靜處 教化使淳熟

授記令入道 如來鏡像身 而不離本體

猶如一切色 不離於虛空

次說如來常住身偈言

世尊體常住 以修無量因 衆生界不盡

慈悲心如意 智成就相應 法中得自在

實性論卷第一

第十二卷

四

降伏諸魔怨 體寂靜改常

次說不可思議體偈言

非言語所說 第一義諦攝 離諸覺觀地

無譬喻可說 最上勝妙法 不取有涅槃

非三乘所知 唯是佛境界

究竟乘實性論如來功德品第九

自利亦利他 第一義諦身 依彼真諦身

有此世諦體 果遠離淨熟 此中具足有

六十四種法 諸功德差別

略說偈言

佛力金剛杵 破無智者障 如來無所畏

震衆如師子 如來不共法 清淨如虛空

如彼水中月 衆生二種見

初說十力偈言

震非震果報 業及於諸根 性信至震道

離垢諸禪定 憶念過去世 天眼寂靜智

如是等諸句 說名十種力

如金剛杵者偈言

震非震業性 衆生諸信根 種種隨偈地

過宿命差別 天眼漏盡等 佛力金剛杵

能刺摧散破 癡鐵山牆樹

次說四無畏偈言

如實覺諸法 遮諸閑道障 說道得無漏

實性論卷第一

第十三卷

四

是四種無畏於所知境界畢竟知自他
自知教他知此非壞障道能證勝妙果
自得令他得說自他利諦是諸處無畏
如師子王者偈言

辟如師子王 諸獸中自在 常在於山林
不怖畏諸獸 佛人王亦亦 處於諸群衆
不畏及善住 堅固奮迅等

次說佛十八不共法偈言

佛無過無諍 無妄念等失 無不定散心
無種種諸想 無作意護心 欲精進不退
念慧及解脫 知見等不退 諸業智為奉
知三世無障 佛十八功德 及餘不說者
佛身口無失 若他來破壞 內心無動相
非作心捨心 世尊欲精進 念淨智解脫
知見常不失 示現可知境 一切諸業等
智為本展轉 三世無障身 廣大智行常
是名如來體 大智慧相應 覺彼大菩提
最上勝妙法 為一切衆生 轉於大法輪
無畏勝妙法 今彼得解脫

次說虛空不相應義偈言

地水火風等 彼法空中無 諸色中亦无
虛空無閼法 諸佛無閼障 猶如虛空相
如來在世間 如地水火風 而諸佛如來

賢性論卷第一 第十三張 竭

所有諸功德 乃至無一法 共餘世間有
次說三十二大人相偈言

足下相平滿 具足千輻輪 跟臚踏上隆
伊尼鹿王端 手足悉柔軟 諸指皆纖長
鵝王網縵指 臂肘上下臚 兩肩前後平
左右俱圓滿 立能手過膝 馬王陰藏相
身臚相洪雅 如尼拘樹王 體相七處滿
上半如師子 威德勢堅固 猶如那羅延
身色新淨妙 柔軟金色皮 淨軟細平密
一孔一毛生 毛柔軟上靡 微細輪右旋
身淨光圓匝 頂上相高顯 頂如孔雀王
頤方若師子 嚴淨金精色 喻如因陀羅
額上白毫相 通面淨光明 口含四十齒
二牙白踰雪 深密內外明 上下齒平齊
迦陵頻伽聲 妙音深遠聲 所食無完過
得味中上味 細薄廣長舌 二目淳紺色
眼睫若牛王 功德如蓮華 如是說人尊
妙相三十二 一一不雜亂 普身不可壞
次說如水中月偈言

秋空無雲翳 月在天及水 一切世間人
皆見月勢力 清淨佛輪中 具功德勢力
佛子見如來 功德身亦亦

究竟乘實性論自然不休息佛業品第十

賢性論卷第一 第十四張 竭

於可化衆生 以教化方便 起化衆生業
教化衆生界 諸佛自在人 於可化衆生
常待時待處 自然作佛事 遍覺知大乘
最妙功德聚 如大海水寶 如來智亦亦
菩提廣無邊 猶如虛空界 放無量功德
大智慧日光 遍照諸衆生 有佛妙法身
無垢功德藏 如我身無異 煩惱障智障
雲霧羅網覆 諸佛慈悲風 吹令散滅盡
次說大乘業喻略說偈言

帝釋妙鼓雲 梵天日摩尼 響及虛空地
如來身亦亦

初說帝釋鏡像譬喻偈言

如彼毗琉璃 清淨大地中 天主帝釋身
於中鏡像現 如是衆生心 清淨大地中
諸佛如來身 於中鏡像現 帝釋現不現
依地淨不淨 如是諸世間 鏡像現不現
如來有起滅 依濁不濁心 如是諸衆生
鏡像現不現 天主帝釋身 鏡像有生滅
不可得說有 不可得說無 如來身亦亦
鏡像有生滅 不可得說有 不可得說無
如地普周遍 遠離高下穢 大琉璃明淨
離垢功德平 以彼毗琉璃 清淨無垢故
天主鏡像現 及莊嚴具生 若男若女等

賢性論卷第一 第十五張 竭

於中見天主及妙莊嚴具作生彼處願
衆生為生彼修行諸善行持戒及布施
散花捨珍寶後時功德盡地滅彼亦滅
心琉璃地淨諸佛鏡像現諸佛子菩薩
見佛心歡喜為求菩提故起願修諸行
不生不滅者即是如來偈言

如琉璃滅彼鏡像亦滅無可化衆生
如來不出世琉璃實地淨示現佛妙像
彼淨心不壞信根芽增長白淨法生滅
佛像亦生滅如來不生滅猶如帝釋王
此衆自然有見是等現前法身不生滅
盡諸際當住

次說天中妙鼓辭喻偈言

天妙法鼓聲依自業而有諸佛說法音
衆生自業聞如妙聲遠離切用愛身心
令一切諸天離怖得寂靜佛聲亦如是
離切用身心令一切衆生得證寂滅道
於彼戰鬪時為破修羅力因鼓出畏聲
令修羅退散如來為衆生滅諸煩惱苦
為世間說法亦勝禪定道

一切世間人不覺自過失偈言

聲不聞細聲天耳聞不遍唯智者境界
以聞心不滌

次說雲雨辭喻偈言

知有起悲心遍滿世間處定持無垢藏
佛雨淨樂因世間依善業依風生雲雨
依悲等增長佛妙法雲雨
依止器世間雨水味變壞偈言

辭如虛空中雨八功德水到鹹等佳處
生種種異味如來慈悲雲雨八聖道水
到衆生心處生種種解味
無差別心偈言

信於妙大衆及中誇法者人遠多鳥鬼
以此三聚相似正定衆衆生冒氣不定聚
身見邪定衆邪見流生死秋天無雲雨
人空鳥受苦夏天多雨水燒鬼今受苦
佛現世不現悲雲雨法雨信法器能傳
謗法有不聞
不護衆生偈言

天雨如車軸澍下衝大地雷及霹靂石
金剛爆火等不護微細生山林諸果樹
草穀稻稈等行人故下雨如來亦如是
於廣細衆生相應諸方便般若悲雲雨
諸煩惱習氣我邪見衆生如是種種等
一切智不護
高滅苦火偈言

知病離病因取無病修樂苦因彼滅道
知離顛倒等無始世生死波流轉五道
五道中受樂猶如臭爛糞寒熱惱等觸
諸苦畢竟有為令彼除滅降大妙法雨
知天中退苦人中追求苦有智者不求
人天自在樂慧者信佛語已信者知苦
亦復知苦因觀滅及知道
次說梵天辭喻偈言

梵天過去頽依諸天淨業梵天自然現
化佛身亦尔梵宮中不動常現於欲界
諸天見妙色失五欲境界佛法身不動
而常現世間衆生見歡喜不樂諸有緣
有現不現偈言

從天退入胎現生有父母在家示嬰兒
習學諸伎藝戲樂及遊行出家行苦行
現就外道學降伏於天魔成佛轉法輪
示道入涅槃諸薄福衆生不能見如來
次說日辭喻偈言

如日光初出普照諸蓮華有同一時開
亦有一時合佛日亦如是照一切衆生
有智如華開有罪如華合如日照水華
而日無分別佛日亦如是照而無分別
次第偈言

日初出世間千光次第照先照高大山
後照中下山佛日亦如是次第照世間
先照諸菩薩後及餘眾生
光明輪不同偈言

色智身三法大悲身如空遍照諸世間
故佛不同日日不能遍照諸國土虛空
不破無明闇不示可知境放種種諸色
光明雲羅網示大慈悲體真如妙境界
佛入城聚落無眼者得眼見佛得大利
亦滅諸惡法無明沒諸有邪見黑闇障
如來日光照見慧未見處
次說摩尼珠譬喻偈言

一時同處住滿足所求意摩尼寶無心
而滿眾生願自在大法王同住於悲心
眾生種種聞佛心無分別
次說響譬喻偈言

譬如諸響聲依他而得起自然無分別
非內非外住如來聲亦尔依他心而起
自然無分別非內非外住
次說虛空譬喻偈言

無物不可見無觀無依止過眼識境界
無色不可見空中見高下而空不如是
佛中見一切其義亦如是

覺世論卷第一 第十九法 竭

次說地譬喻偈言

一切諸草木依止大地生地無分別心
而增長成就眾生心善根依止佛地生
佛無分別心而增廣成就佛聲猶如響
以無名字說佛身如虛空遍不可見常
如依地諸法一切諸妙藥遍為諸眾生
不限於一人依佛地諸法白淨妙法藥
遍為諸眾生不限於一人

究竟一乘實性論校量信功德品第十一

佛性佛菩提佛法之佛業諸出世淨人
所不能思議此諸佛境界若有能信者
得無量功德勝一切眾生以求佛菩提
不思議果報得無量功德故勝諸世間
若有人能捨摩尼諸珍寶遍布十方界
無量佛國土為求佛菩提施與諸法王
是人如是施無量恒沙劫若復有人聞
妙境界一句聞已復能信過施福無量
若有智慧人奉持無上戒身口意業淨
自然常護持為求佛菩提如是無量劫
是人所得福不可得思議若復有人聞
妙境界一句聞已復能信過戒福無量
若人入禪定焚三界煩惱過天行彼岸
無菩提方便若復有人聞妙境界一句

覺世論卷第一 第二法 竭

聞已復能信過禪福無量無慧人能捨
唯得富貴報修持禁戒者得生人天中
修行斷諸障非慧不能除慧除煩惱障
亦能除智障聞法為慧因是故聞法勝
何況聞法已復能生信心我此所說法
為自心清淨依諸如來教修多羅相應
若有智慧人聞能信受者我此所說法
亦為攝彼人依燈摩尼日月等諸明
一切有眼者皆能見境界依佛法光明
慧眼者能見以法有是利故我此法
若一切所說有義有法句能令修行者
遠離於三界及示寂靜法最勝無上道
佛說是正經餘者顛倒說雖說法句義
斷三界煩惱無明覆慧眼貪等垢所縛
又於佛法中取少分說者世典善言說
彼三尚可受何況諸如來遠離煩惱垢
無漏智慧人所說修多羅以離於諸佛
一切世間中更無勝智慧如實知法者
如來說了義彼不可思議思者是謗法
不識佛意故謗聖及燒法此諸邪思惟
煩惱愚癡人妄見所計故故不應執者
邪見諸垢法以淨衣受色垢膩不可染
問曰以何因緣有此謗法答曰偈言

覺世論卷第一 第三法 竭

愚不信白法邪見及憍慢過去謗法障
執著不了義著供養恭敬唯見於邪法
遠離善知識親近謗法者樂著小乘法
如是等衆生不信於大乘故謗諸佛法
智者不應畏怨家鉅火毒因陀羅碎礮
刀杖諸惡獸虎狼師子等彼但能斷命
不能令人入可畏阿鼻獄應畏謗深法
及謗法知識決定令人入可畏阿鼻獄
雖近惡知識惡心出佛血及殺害父母
斷諸聖人命破壞和合僧及斷諸善根
以繫念正法能解脫彼處若復有餘人
誹謗甚深法彼人無量劫不可得解脫
若人今衆生覺信如是法彼是我父母
亦是善知識彼人是智者以如來滅後
迴邪見顛倒今入正道故三寶清淨性
菩提功德業我略說七種與佛經相應
依此諸功德願於命終時見無量壽佛
無邊功德身我及餘信者既見彼佛已
願得離垢眼成無上菩提
論曰第一教化品如向偈中已說應
知此論廣門有十一品中則七品略
唯一品初釋一品具攝此論法義體
相應知偈言

佛法及衆僧性道功德業略說此論體
七種金剛句
此偈明何義言金剛者猶如金剛難
可沮壞所證之義亦復如是故言金
剛所言者以此論句能與證義為
根本故此明何義內身證法無言之
體以聞思智難可證得信如金剛名
字章句以能證彼理中證智隨順正
道能作根本故名為此復何義有
二義故何謂二義一華證義二者因
義是名為義金剛字句應如是知
又何謂為義何謂為字義者則有七
種證義何謂七義一者佛義二者法
義三者僧義四者衆生義五者菩提
義六者功德義七者業義是名為義
是故經言又第一義諦者所謂心緣
尚不能知何況名字章句故所言字
者隨以何等名字章句言語風聲能
表能說能明能示此七種義是名為
字是故經言又世諦者謂世間中所
用之事名字章句言語所說故又此
七種金剛句義如諸經中廣說應知
應云何知依佛義故如承經中告何

難言阿難所言如來者非可見法是故
眼識不能得見故依法義故如來經
中告阿難言阿難所言法者非可說
事以是故非耳識所聞故依僧義故
如來經中告阿難言阿難所言僧者
名為無為是故不可身心供養禮拜
讚歎故依衆生義故如來經中告舍
利弗言舍利弗言衆生者乃是諸佛
如來境界一切聲聞辟支佛等以正
智慧不能觀察衆生之義何況能證
毛道凡夫於此義中唯信如來是故
舍利弗隨如來信此衆生義舍利弗
言衆生者即是第一義諦舍利弗言
第一義諦者即是衆生界舍利弗言
衆生界者即是如來藏舍利弗言如
來藏者即是法身故依菩提義故經
中說言世尊言阿釋多羅三藐三菩
提者名涅槃界世尊言涅槃界者即
是法身故依功德義故如來經中告
舍利弗言舍利弗如來所說法身義
者過於恒沙不離不脫不思議佛法
如來智慧功德舍利弗如世間燈明
色及觸不離不脫又如摩尼寶珠明

色形相不離不脫舍利弗法身之義亦復如是過於恒沙不離不脫不思議佛法如來智慧功德依業義故如來經中告文殊師利言文殊師利如來不分別不分別無分別而自然無分別如所作業自然行故如是等名略說七種金剛字句惣攝此論體相應如是故偈言

七種相次第惣持自在王菩薩修多羅序分有三句餘殘四句者在菩薩如來智慧差別分應當如是知

此偈明何義以是七種金剛字句惣攝此論一切佛法廣說其相如陀羅尼自在王經序分中三句餘四句在彼修多羅菩薩如來法差別分應知云何序分有初三句彼修多羅序分中言婆伽婆平等證一切法善轉法輪善能教化調伏無量諸弟子衆如是三種根本字句次第示現佛法僧寶說彼三寶次第生起成就應知餘四句者說隨順三寶因成就三寶因應知此明何義以諸菩薩於八地中十自在為首具足得一切自在是故

寶性論卷第一

第二十六

頌

菩薩坐於道場勝妙之處於一切法中皆得自在是故經言婆伽婆平等證一切法故以諸菩薩住九地時於一切法中得為無上最大法師善知一切諸衆生心到一切衆生根機第一彼岸能斷一切衆生煩惱習氣是故菩薩成大菩提是故經言善轉法輪故以諸菩薩於第十地中得住無上法王位後能於一切佛所作業自然而行常不休息是故經言善能教化調伏無量諸弟子衆故彼善能教化調伏無量諸弟子衆即彼經中次後示現是故經言與大比丘衆俱如是乃至復有無量菩薩衆俱如是次第善能教化聲聞位地及佛菩提善能調伏一切煩惱如是畢竟有無量功德又說聲聞菩薩諸功德已次說諸佛如來不可思議三昧境界又說諸佛如來三昧境界已次說無垢大寶莊嚴寶殿成就又說大寶莊嚴寶殿成就已次說大衆雲集種種供養讚歎如來雨種種衣雨種種華雨種種香如是等示現佛寶不思議事應

寶性論卷第一

第二十七

頌

知又復次說妙法莊嚴法座又說妙法莊嚴法座已次說法門名字及示現功德此明法寶功德差別應知又復次說諸菩薩摩訶薩迭共三昧行境界示現種種功德此明僧寶功德差別應知又復次說如來放大光明授諸菩薩摩訶薩太子法王位職又復次說與大無畏不怯弱辯才又復讚歎諸佛如來第一功德又復次說最上第一大乘之法示現如實修行彼大乘故於法中證果即彼三寶無上功德次第差別序分中義大都已竟應如是知已說自在王菩薩修多羅序分中三寶次說佛性義有六十種法清淨彼功德何以故以有彼清淨無量功德性為清淨彼性修六十種法為此義故十地經中數數說金以為譬喻為清淨彼佛性義故又復即於此陀羅尼自在王經中說如來業已次說不清淨大毗琉璃摩尼寶喻是故經言善男子譬如善巧摩尼寶師善知清淨大摩尼寶向大摩尼寶性山中取未清淨諸摩尼寶既取

寶性論卷第一

第二十八

頌

彼實以嚴灰洗嚴灰洗已然後復持
黑頭髮衣以用指磨不以爲足勤未
休息次以辛味飲食汁洗食汁洗已
然後復持衣經裏木以用指磨不以
爲足勤未休息次後復以大藥汁洗
藥汁洗已次後復更持細軟衣以用
指磨以細軟衣用指磨已然後遠離
銅鐵等鑛毗琉璃垢方得說言大琉
璃寶善男子諸佛如來亦復如是善
知不淨諸衆生性知已乃爲說無常
苦無我不淨爲驚怖彼樂世衆生令
歇世間入聲聞法中而佛如來不以
爲足勤未休息次爲說空無相無願
令彼衆生少解如來所說法輪而佛
如來不以爲足勤未休息次復爲說
不退法輪次說清淨波羅蜜行謂不
見三事令衆生入如來境界如是依
種種因依種種性入佛法中入法中
已故名無上最福田又復依此自
性清淨如來性故經中偈言
譬如石鑛中真金不可見能清淨者見
見佛亦如是
向說佛性有六十種淨業功德何謂

實性論卷第一 第二十六 竭

六十所謂四種菩薩莊嚴八種菩薩
光明十六種菩薩摩訶薩大悲三十
二種諸菩薩業
已說佛性義次說佛菩提有十六種
無上菩提大慈悲心

已說佛菩提次說諸佛如來功德所
謂十力四無所畏十八不共法

已說功德次說如來三十二種無上大
業如是七種金剛句義彼修多羅廣

說體相如是應知問曰此七種句有
何次第答曰偈言

從佛次有法次法復有僧僧次無等性
從性次有智十力等功德爲一切衆生
而作利益業有如是次第

已說一品具攝此論法義體相次說
七品具攝此論法義體相解釋偈義

應知歸敬三寶者此明何義所有如
來教化衆生彼諸衆生歸依於佛尊

敬如來歸依於法尊敬如來歸依於
僧依於三寶說十二偈初明佛實故

說四偈
究竟一乘實性論卷第一

癸卯歲高麗國大藏都監奉
勅雕造

實性論卷第一 第三十九 竭

究竟一乘實性論卷第二

竭

後魏中印度三藏勒那摩提譯

佛寶品第二

佛體無前際及無中間際亦復無後際
寂靜自覺知既自覺知已爲欲令他知

是故爲彼說無畏常恒道佛能執持彼
智慧慈悲刀及妙金剛杵割截諸苦芽

摧碎諸見山覆藏顛倒意及一切網林
故我今敬禮

此偈示現何義偈言
無爲體自然不依他而知智慧及以力
自他利具足

此偈略明佛寶所攝八種功德何等
爲八一者無爲體二者自然三者不

依他知四者智五者悲六者力七者
自利益八者他利益偈言

非初非中後自性無爲體及法體寂靜
故自然應知唯內身自證故不依他知

如是三覺知慈心爲說道智慧及力等
拔苦煩惱刺初三句自利後三句利他

此偈明何義遠難有爲名爲無爲應
知又有爲者生住滅法無彼有爲是

實性論卷第一 第三十九 竭

故佛體非初中後故得名為無為法
身應知偈言佛體無前際及無中間
際亦復無後際故又復遠離一切戲
論虛妄分別寂靜體故名為自然應
知偈言寂靜故不依他知者不依他
因緣證知故不依他因緣證知者不
依他因緣生故不依他因緣生者自
覺不依他覺故如是依於如來無為
法身相故一切佛事無始世來自然
而行常不休息如是希有不可思議
諸佛境界不從他聞不從他聞者不
從師聞自在智無言之體而自覺知
偈言自覺知故既自覺知已然後為他
生盲衆生令得覺知為彼證得無為法
身說無上道是故名為無上智悲應知
偈言既自覺知已為欲令他知是故為
彼說無畏常恒道故無畏常恒道者明
道無畏是常是恒以出世間不退轉
法如是次第又拔他苦煩惱根本如
來智慧慈悲及神力如是三句刀金
剛杵譬喻示現又以何者為苦根本
略說言之謂三有中生名色是又何
者為煩惱根本謂身見等虛妄邪見

寶鑑論卷第二

第三

場

疑戒取等又名色者是彼所攝所生
苦芽應知如來智慧慈悲心等能割
彼芽以是義故說刀譬喻偈言佛能
執持彼智慧慈悲刀故割截諸苦芽
故又邪見疑所攝煩惱見道遠離以
世間智所不能知稠林煩惱不能破
壞如世間中樹林牆等彼相以法以
如來力能破壞彼以是故說金剛杵
喻偈言及妙金剛杵故摧碎諸見山
覆藏顛倒意及一切稠林故此六種
句如來莊嚴智慧光明入一切佛境
界經中次第顯說應知應云何知彼
經中言文殊師利如來應正遍知不
生不滅者此明如來無為之相又復
次說無垢清淨琉璃地中帝釋王身
鏡像現等如是乃至九種譬喻皆明
如來不生不滅又言文殊師利如來
應正遍知清淨法身亦復如是不動
不生心不戲論不分別不分別無分
別不思無思不思議無念寂滅寂靜
不生不滅不可見不可聞不可嗅不
可嘗不可觸無諸相不可覺不可知
如是等句皆說寂靜差別之相此明

寶鑑論卷第二

第三

場

何義明佛一切所作事中遠離一切
戲論分別寂靜自然次說餘殘修多
羅彼中說言如實覺知一切法門者
此明如來不依他故證大菩提又復
次說如來菩提有十六種是故經言
文殊師利如來如是如實覺知一切
諸法觀察一切衆生法性不淨有垢
有點奮迅於諸衆生大悲現前此明
如來無上智慧應知文殊師利如來
如是如實覺知一切法者如向前說
無體為體如實覺知者如實無分別
佛智知故觀察一切衆生法性者乃
至邪聚衆生如我身中法性法體法
界如來藏等彼諸衆生亦復如是無
有差別如來智眼了了知故不淨者
以諸凡夫煩惱障故有垢者以諸聲
聞辟支佛等有智障故有垢者以諸
菩薩摩訶薩等依彼二種習氣障故
奮迅者能如實知種種衆生可化方
便入彼衆生可化方便種種門故大
悲者成大菩提得於一切衆生平等
大慈悲心為欲令彼一切衆生如佛
證智如是覺知證大菩提故於一

寶鑑論卷第二

第四

場

切衆生平等轉大法輪常不休息如是三句能作他利益故名爲力應知又此六句次第初三種句謂無爲等功德如來法身相應示現自利益餘三種句所謂智等示現他利益又復有義以有智慧故證得第一寂靜法身是故名爲自利益又依慈悲力等二句轉大法輪亦現他利益已說佛寶次明法寶

究竟一乘寶性論法寶品第三

論曰依彼佛寶有真法寶以是義故次佛寶後示現法寶依彼法寶故說四偈

非有亦非無亦復非有無亦非即於彼亦復不離彼不可得思量非聞慧境界出離言語道內心知清涼彼真妙法日清淨無塵垢大智慧光明普照諸世間能破諸障障覺觀貪瞋癡一切煩惱等故我今敬禮

此偈示現何義偈言

不思議不二無分淨現對依何得何法

離法二諦相

此偈略明法寶所攝八種功德何等

寶性論卷第二

第五頌

頌

爲八一者不可思議二者不二三者無分別四者淨五者顯現六者對治七者離果八者離因離者偈言滅諦道諦等二諦攝取離彼各三功德次第說應知

此偈明何義前六功德中初三種功德不思議不二及無分別等示現彼滅諦攝取離煩惱應知餘或有三句淨顯現對治示現彼道諦攝取斷煩惱因應知又證法所有離名爲滅諦以何等法修行斷煩惱名爲道諦以此二諦合爲淨法以二諦相名爲離法應知偈言

不思量無言智者內智知以如是義故不可得思議清涼不二法及無分別法淨顯現對治三句偈如日

此偈明何義略明滅諦有三種法以是義故不可思議應知以何義故不可思議有四義故何等爲四一者爲無二者爲有三者爲有無四者爲二偈言非有亦非無亦復非有無亦非即於彼亦復不離彼故滅諦有三種法應知者此明何義滅諦非可知有

寶性論卷第二

第六頌

頌

三種法何等爲三一者非思量境界故偈言不可得思量非聞慧境界故二者遠離一切聲響名字章句言語相續故偈言出離言語道故三者聖人內證法故偈言內心知故又滅諦

六何不二法者及云何無分別者如不增不減經中如來說言舍利弗如來法身清涼以不二法故以無分別法故偈言清涼故何者是二而說不二所言二者謂業煩惱言分別者所謂集起業煩惱因及邪念等以知彼自性本來寂滅不二無二行知苦本來不生是名苦滅諦非滅法故名苦滅諦是故經言文殊師利何等法中無心意意識行彼法中無分別以無分別故不起邪念以有正念故不起無明以不起無明故即不起十二有支以不起十二有支故即名無生是故聖者勝最經言世尊非滅法故名苦滅諦世尊所言苦滅者名無始無作無起無盡離盡常恒清涼不變自性清淨離一切煩惱藏所經世尊過於恒沙不離不脫不異不思議佛法

寶性論卷第二

第七頌

頌

畢竟成就說如來法身世尊如是如來法身不雜煩惱藏所經名如來藏如是等勝曼經中廣說滅諦應知又以何因得此滅諦如來法身謂於見道及修道中無分別智三種日相似相對法應知偈言彼真妙法日故何等為三一者日輪清淨相似相對法以遠離一切煩惱垢故偈言清淨無塵垢故二者顯現一切色像相似相對法以一切種一切智能照知故偈言大智慧光明故三者對治闇相似相對法以起一切種智對治法故偈言普照諸世間故又以何者是所治法所謂依取不實事相虛妄分別念生貪瞋癡結使煩惱此明何義愚癡凡夫依結使煩惱取不實事相念故起於貪心依時急故起於瞋心依於無明虛妄念故起於癡心又復依彼貪瞋癡等虛妄分別取不實事相念起邪念心依邪念心起於結使依於結使起貪瞋癡以是義故身口意等造作貪業瞋業癡業依此業故復有生生不斷不絕如是一切愚癡凡夫依結

實性論卷第二 第八段

竭

使煩惱集起邪念依邪念故起諸煩惱依煩惱故起一切業依業起生如是此一切種諸煩惱染業染生染愚癡凡夫不如實知不如實見一實性界如彼如實性觀察如實性而不取相以不取相故能見實性如是實性諸佛如來平等證知又不見如是虛妄法相如實知見如實有法真如法界以見第一義諦故如是二法不增不減是故名為平等證智是名一切種智所治障法應如是知以起真如智對治法故彼所治法畢竟不復生起現前偈言能破諸障障覺觀貪瞋癡一切煩惱等故又此得滅諦如來法身因於見道中及修道中無分別智廣說如摩訶般若波羅蜜等經多羅中言須菩提真如如來真如平等無差別如是等應知已說法實次說僧寶

究竟乘實性論僧寶品第四

論曰依大乘實性論有不退轉菩薩僧寶以是義故次法實後示現僧寶依彼僧寶故說四偈

實性論卷第二 第九段

竭

正覺正知者見一切眾生清淨無有我寂靜真實勝以能知於彼自性清淨心見煩惱無實故離諸煩惱無障淨智者如實見眾生自性清淨性佛法僧境界無開淨智眼見諸眾生性遍無量境界故我今敬礼
此偈示現何義偈言 卍
如實知內身以智見清淨故名無上僧諸佛如來說
此偈明何義偈言 卍
如實見眾生寂靜真法身以見性本淨煩惱本來無
此偈明何義以如實見本際以來我空法空應知偈言正覺正知者見一切眾生清淨無有我寂靜真實勝故又彼如實知無始世來本際寂靜無我無法非滅煩惱證時始有此明何義此見自性清淨法身略說有二種法何等為二一者見性本來自性清淨二者見諸煩惱本來寂滅偈言以能知於彼自性清淨心見煩惱無實故離諸煩惱故又自性清淨心本來清淨又本來常為煩惱所染此二種

實性論卷第二 第十段

竭

法於彼無漏真如法界中善心不善心俱更無第三心如是義者難可覺知是故聖者勝鬘經言世尊刹尼迦善心非煩惱所染刹尼迦不善心亦非煩惱所染煩惱不觸心心不觸煩惱云何不觸法而能得染心世尊然有煩惱有煩惱染心自性清淨心而有染者難可了知如是等聖者勝鬘經中廣說自性清淨心及煩惱所染應知又有二種修行謂如實修行及遍修行難證知義如實修行者謂見衆生自性清淨佛性境界故偈言無障淨智者如實見衆生自性清淨性佛法身境界故遍修行者謂遍十地一切境界故見一切衆生有一切智故又遍一切境界者以遍一切境界依出世間慧見一切衆生乃至畜生有如來藏應知彼見一切衆生有真如佛性初地菩薩摩訶薩以遍證一切真如法界故偈言無閼淨智眼見諸衆生性遍無量境界故如是內身自覺知彼無漏法界無障无閼依於二法一者如實修行二者遍修行此

明何義謂出世間如實內證真如法智不共二乘凡夫人等應知此明何義菩薩摩訶薩出世間清淨證智略說有二種勝鬘經聞辟支佛證智何等爲二一者無障二者無尋無障者謂如實修行見諸衆生自性清淨境界故名無障無閼者謂遍修行以如實知無邊境界故名无閼此明何義偈言

如實知見道見清淨佛智故不退聖人能作衆生依

此偈明何義又依初地菩薩摩訶薩證智清淨見道不退地乘能作見彼無上菩提清淨勝因應知偈言如實知見道見清淨佛智故此初地證智勝餘菩薩摩訶薩布衣持戒等波羅蜜功德以是義故菩薩摩訶薩依如實見真如證智是故能與一切衆生天龍八部聲聞辟支佛等作歸依處偈言不退聖人能作衆生依故

問曰以何義故不明歸依聲聞僧寶答曰菩薩僧寶功德無量是故應供以應供故合應禮拜讚歎供養等問

之人無如是義以是義故不明歸依聲聞僧寶此明何義偈言

境界諸功德證智及涅槃諸地淨無垢滿足大慈悲生於如來家具足自在通果勝實無上是勝歸依義

此偈明何義略說菩薩十種勝義過諸聲聞辟支佛故何等爲十一者觀勝二者功德勝三者證智勝四者涅槃勝五者地勝六者清淨勝七者平等心勝八者生勝九者神力勝十者果勝觀勝者謂觀真如境界是名觀勝偈言境界故功德勝者菩薩修行無厭足不同二乘少欲等是名功德勝偈言功德故證智勝者證二種無我是名證智勝偈言證智故涅槃勝者教化衆生故是名涅槃勝偈言涅槃故地勝者所謂十地等是名地勝偈言諸地故清淨勝者菩薩遠離雜智障是名清淨勝偈言淨無垢故平等心勝者菩薩大悲遍覆是名平等心勝偈言滿足大慈悲故生勝者諸菩薩生無生故是名生勝偈言生於如來家故神力勝者謂三昧自在神通等力勝是名神力勝偈言具足三昧自在通

故果勝者究竟無上菩提故是名果勝
偈言果勝寂無上故此明何義有慧
人知諸菩薩功德無量修習菩提無量
无边廣大功德有大智慧慈悲圓滿為
照知彼無量眾生性行稠林猶如初
月唯除諸佛如來滿月菩薩摩訶薩
知諸聲聞乃至證得阿羅漢道少智
慧人無大悲心為照自身猶如星宿
既如是知欲取如來大滿月身修菩
提道而當棄捨初月菩薩起心禮拜
供養其餘星宿聲聞辟支佛者無有
是處此復何義明為利益一切眾生
初始發起菩提之心諸菩薩等已能
降伏不為利益他眾生身為自利益
修持無漏清淨禁戒乃至證得阿羅
漢果聲聞之人何況其餘得十自在
等無量無邊功德菩薩摩訶薩而同
聲聞辟支佛等少功德人無有是處
以是義故經中偈言
若為自身故修持禁戒遠離大慈心
捨破戒眾生以為自身故護持禁戒
如是持戒者佛說非清淨若為他人故
修持禁戒能利益眾生如地水火風

寶性論卷第二

第七十四 頌

以為他眾生起第一悲心是名淨持戒
餘似非清淨
問曰依何等義為何等人諸佛如來
說此三寶答曰偈言
依能調所證弟子為三乘信三供養等
是故說三寶
此偈明何義略說依三種義為六種
人故說三寶何等為三一者調御師
二者調御師法三者調御師弟子偈
言依能調所證弟子故六種人者何
等為六一者大乘二者中乘三者小
乘四者信佛五者信法六者信僧偈
言為三乘信三供養等故初釋第一
義第一第四人歸依兩足中最勝第
一尊佛示現調御師大丈夫義故偈
言依能調故為取佛菩提諸菩薩人
故偈言為大乘故為信供養諸佛如
來福田人故偈言信佛供養故以是
義故說立佛寶偈言是故說佛寶故
已釋第一義第一第四人次釋第二
義第二第五人歸依離煩惱中最勝
第一法示現調御師所證功德法故
偈言依所證故為自然知不依他知

寶性論卷第二

第七十五 頌

深因緣法辟支佛人故偈言為中乘
故為信供養第一妙法福田人故偈
言信法供養故以是義故說立法寶偈
言是故說法寶故已釋第二義第二
第五人次釋第三義第三第六人歸
依諸眾中最勝第一諸菩薩僧示現
調御師弟子於諸佛如來所說法中
如實修行不相違義故偈言依弟子
故為從他聞聲聞人故偈言為小乘
故為信供養第一聖眾福田人故偈
言信僧供養故以是義故說立僧寶
偈言是故說僧寶故是名略說依三
種義為六種人故諸佛如來說此三寶
偈言依能調所證弟子為三乘信三
供養等是故說三寶故又為可化眾
生今次第八以是義故依於世諦示現
明說立三歸依此明何義偈言
可捨及虛妄無物及怖畏二種法及僧
非究竟歸依
此偈明何義法有二種何等為二一
所說法二所證法所說法者謂如來
說修多羅等名字章句身所攝故被
所說法證道時滅如捨舉被偈言可

寶性論卷第二

第七十六 頌

捨故所證法者復有二種謂依因果二種差別以依何法證何法故此明何義所謂有道有為相攝若為有為相所攝者彼法虛妄偈言及虛妄故若虛妄者彼法非實若非實者彼非真諦非真諦者即是無常若無常者非可歸依又復若依彼聲聞道所得滅諦彼亦無物猶如燈滅唯斷少分諸煩惱若若如是者則是無物若無物者云何為他之所歸依偈言無物故僧者凡有三乘之人三乘人中依聲聞僧常有怖畏常求歸依諸佛如來求離世間此是學人所應作者未究竟故猶進趣向阿耨多羅三藐三菩提故所言怖畏者云何怖畏以阿羅漢雖盡有漏而不斷一切煩惱習氣彼於一切有為行相極怖畏心常現在前是故聖者勝經言阿羅漢有恐怖何以故阿羅漢於一切無行怖畏想住如人執劍欲求害己是故阿羅漢無究竟樂何以故世尊依不求依如衆生無依彼彼恐怖以恐怖故則求歸依如是阿羅漢有怖畏以恐怖

故歸依如來故彼若如是有怖畏者彼人畢竟為欲遠離怖畏求元畏愛以是義故依遠離怖畏之處名為學者當有所作欲得阿耨多羅三藐三菩提無畏之處是故聲聞法僧二寶是少分歸依非究竟歸依偈言二種法及僧非究竟歸依故此明何義偈言

衆生歸一處佛法身彼岸依佛身言法依法究竟僧

此偈明何義如向所說諸佛如來不生不滅寂靜不二離垢法身故以唯一法身究竟清淨處故又三乘之人無有救者無歸依者以唯有彼岸無始本際畢竟無盡是可歸依恒可歸依所謂唯是諸佛如來故如是常恒清涼不變故可歸依聖者勝經中廣說應知問曰以何義故佛法衆僧說名為寶答曰偈言

真實世希有明淨及勢力能莊嚴世間最上不變等

此偈明何義所言寶者有六種相似依彼六種相似相對法故佛法衆僧說

名為寶何等為六一者世間難得相似相對法以無善根諸衆生等百千萬劫不能得故偈言真實世希有故二者無垢相似相對法以離一切有漏法故偈言明淨故三者威德相似相對法以具足六通不可思議威德自在故偈言勢力故四者在嚴世間相似相對法以能莊嚴出世間故偈言能莊嚴世間故五者勝妙相似相對法以出世間法故偈言最上故六者不可改異相似相對法以得無漏法世間八法不能動故偈言不變故問曰依何等法有此三寶而依此法得有世間及出世間清淨生起三寶答曰為彼義故說兩行偈

真如有雜垢及遠離諸垢佛無量功德及佛所作業如是妙境界是諸佛所知依此妙法身出生於三寶

此偈示現何義偈言

如是三寶性唯諸佛境界以四法次第不可思議故

此偈明何義真如有雜垢者謂真如佛性未離諸煩惱所纏如來藏故及

遠離諸垢者即彼如來藏轉身到佛地得證法身名如來法身故佛無量功德者即彼轉身如來法身相中所有出世間十力無畏等一切諸功德無量無邊故及佛所作業者即彼十力等一切諸佛法自然常作無上佛業常不休息常不捨離常授諸菩薩記彼處次第有四種法不可思議是故名為如來境界何等四處偈言

自然無分別

此偈明何義真如有雜垢者同一時中有淨有染此處不可思議不可思議者信深因緣法聲聞辟支佛於此非境界故

是故聖者勝鬘經中佛告勝鬘言天女自性清淨心而有染汙難可了知有二法難可了知謂自性清淨心難可了知彼心為煩惱所染亦難了知天女如此二法汝及成就大法菩薩摩訶薩乃能聽受諸餘聲聞辟支佛等唯依佛語信此二法故偈言清淨相應處故及遠離諸垢者真如非本

寶性論卷第三

第三頌

頌

有染後時言清淨此處不可思議是故經言心自性清淨自性清淨心本來清淨如彼心本體如來如是知是故經言如來一念心相應慧得阿耨多羅三藐三菩提故偈言不染而清淨故佛無量功德者謂前際後際於一向染凡夫地中常不捨離真如法身一切諸佛法無異無差別此處不可思議是故經言復次佛子如來智慧無礙不至何以故以於一切眾生界中終無有一眾生身中而不具足如來功德及智慧者但眾生顛倒不知如來智遠離顛倒起一切智無師智無尋智佛子辭如有一極大經卷如一千大千世界大千世界一切所有無不記錄若與二千世界等者悉記二千世界中事若與小千世界等者悉記小千世界中事四天下等者悉記一切四天下事須彌山王等者悉記須彌山王等事地天宮等者悉記地天宮殿中事欲天宮等者悉記欲天宮殿中事色天宮等者悉記色天宮殿中事若與無色天宮等者悉記一切無色界

寶性論卷第三 第三頌

頌

天宮殿中事彼等三千大千世界極大經卷在一極細小微塵內一切微塵皆亦如是時有一人出興於世智慧聰達具足成就清淨天眼見此經卷在微塵內作如是念云何如此廣大經卷在微塵內而不饒益諸眾生耶我今應當勤作方便破彼微塵出此經卷饒益眾生作是念已

寶性論卷第三

第三頌

頌

別隨順衆生心隨順可化衆生根性
不錯不謬隨順作佛業此處不可思
議是故經言善男子如來為令一切
衆生入佛法中故無量如來業作有
量說善男子如來所有實作業者於
彼一切世間衆生不可量不可數不
可思議不可知不可以名字說何以
故以難可得與前衆生故以於一切
諸佛國土不休息故以一切諸佛悉
平等故以過一切諸世間心所作事
故以無分別猶如虛空悉平等故以
無異無差別法性體故如是等廣說
已又說不淨大毗瑠璃摩尼寶珠譬
喻言善男子汝依此譬喻應知如來
業不可思議故平等遍至故一切處
不可呵故三世平等故不斷絕三寶
種故諸佛如來雖如是住不可思議
業中而不捨離虛空法身雖不捨離
虛空法身而於衆生隨所應聞名字
章句為之說法雖為衆生如是說法而
常遠離一切衆生心所念觀何以故
以如實知一切衆生諸心行故偈言
自然無分別故依此妙法身出生於

三寶言偈言

所覺菩提法依菩提分知菩提分教化
衆生覺菩提初句為正因餘二為淨緣
前二自利益後二利益他

此偈明何義此四種句惣攝一切所
知境界此明何義初一句者謂所證
法應知以彼證法名為菩提偈言所
覺菩提法故第二句菩提依菩提分知
者以諸佛菩提功德能作佛菩提因故
偈言依菩提分知故第三句菩提分
教化者以菩提分令他覺故第四句
衆生覺菩提者所化衆生覺菩提故
此四種句次第不取相依此行故清
淨菩提出生三寶應知偈言所覺菩
提法依菩提分知菩提分教化衆生
覺菩提故以一句因三句緣故如來
得阿耨多羅三藐三菩提以得菩提
者十力等諸佛如來法三十二種諸
佛如來作業依如來業衆生聞聲依
彼法故得清淨因緣出生三寶應知
是故偈言初句為正因餘三為淨緣故
究竟乘寶性論卷第二

究竟乘寶性論卷第三

竭

後魏中印度藏勒摩摩提譯

一切衆生有如來藏品第五

論曰自此已後餘殘論偈次第依彼
四句廣差別說應知此以何義向前
偈言

真如有難垢及遠離諸垢佛無量功德
及佛所作業如是妙境界是諸佛所知
依此妙法身出生於三寶

此偈示現何義如向所說一切衆生
有如來藏彼依何義故如是說偈言
佛法身遍滿真如無差別皆實有佛性
是故說常有

此偈明何義有三種義是故如來說
一切時一切衆生有如來藏何等為
三一者如來法身遍在一切諸衆生
身偈言佛法身遍滿故二者如來真
如無差別偈言真如無差別故三者
一切衆生皆悉實有真如佛性偈言
皆實有佛性故此三句義自此下論
依如來藏修多羅我後時說應知如
偈本言

一切衆生界不離諸佛智以彼淨無垢性體不二故依一切諸佛平等法性身知一切衆生皆有如來藏體及因果業相應及以行時差別遠度不變無差別彼妙義次第第一真法性我如是略說汝今應善知

此偈示現何義略說此偈有十種義依此十種說第一義實智境界佛性差別應知何等為十一者體二者因三者果四者業五者相應六者行七者時差別八者遍一切處九者不變十者無差別初依體因故說一偈自性常不染如實空淨水信法及般若三昧大悲等

此初半偈示現何義偈言

自在力不變 思實體柔軟 實空水功德 相似相對法

此偈明何義向說三種義被三種義次第依於自相同相如來法身三種清淨功德如如意寶珠虛空淨水相似相對法應知此明何義思者依如來法身所應所修皆悉成就故後半偈者示現何義偈言

寶性論卷第三

第三張

竭

有四種障尋謗法及者我怖畏世間苦捨離諸衆生

己

此偈明何義偈言
聞提及外道聲聞及自覺信等四種法清淨因應知

此偈明何義略說一切衆生界中有三種衆生何等為三三者求有二者遠離求有三者不求彼二求有有二種何等為二一者謗解脫道無涅槃性常求住世間不求證涅槃二者於佛法中聞提同位以謗大乘故是故不增不減經言舍利弗若有比丘比丘尼優婆塞優婆夷若起一見若起二見諸佛如來非彼世尊如是等人非我弟子舍利弗是人以起二見因緣從聞入聞從冥入冥我說是等名一闍提故偈言謗法故聞提故遠離求有者亦有二種何等為二一者無求道方便二者有求道方便無求道方便者亦有二種何等為二一者多種外道種種邪計謂僧伽衛世師尼捷陀若提子等無求道方便二者於佛法中同外道行雖信佛法而顛倒

寶性論卷第三

第三張

竭

取彼何者是謂犢子等見身中有我等不信第一義諦不信真如法空佛說彼人無異外道復有計空為有以我相憍慢故何以故以如來為說空解脫門令得覺知而彼人計唯空無實為彼人故實積經中佛告迦葉寧見計我如須彌山而不用見憍慢衆生計空為有迦葉一切邪見解空得離若見空為有彼不可化今離世間故偈言及著我故及外道故有方便求道者亦有二種何等為二一者聲聞偈言怖畏世間苦故聲聞故二者辟支佛偈言捨離諸衆生故及自覺故不求彼二者所謂第一利根衆生諸菩薩摩訶薩何以故以諸菩薩不求彼有如一闍提故又亦不同無方便求道種種外道等故又亦不同有方便求道聲聞辟支佛等故何以故以諸菩薩見世間涅槃道平等故以不住涅槃心故以世間法不能染故而修行世間行堅固慈悲涅槃心故以善住根本清淨法中故又彼求有衆生一闍提人及佛法中同闍提位

寶性論卷第三

第四張

竭

名為邪定聚眾生又遠離求有眾生中墮無方便求道眾生名為不定聚眾生又遠離求有眾生中求離世間方便求道聲聞辟支佛及不求彼二

平等道智菩薩摩訶薩名為正定聚

眾生又除求於無障尋道大乘眾生

餘有四種眾生何等為四一者闍提

二者外道三者聲聞四者辟支佛彼

四眾生有四種障故不能證故不能

會故不能見如來之性何等為四一

者謗大乘法一闍提障此障對治謂

諸菩薩摩訶薩信大乘故偈言信法

故二者橫計身中有我諸外道障此

障對治謂諸菩薩摩訶薩修行般若

波羅蜜故偈言及般若故三者怖畏

世間諸苦聲聞人障此障對治謂諸

菩薩摩訶薩修行虛空藏首楞嚴等

諸三昧故偈言三昧故四者背捨利

益一切眾生捨大悲心辟支佛障此

障對治謂諸菩薩摩訶薩修行大悲

為利益眾生故偈言大悲故是名四

種障障四種眾生為對治彼四種障

實性論卷第三 以五攝 四

種對治法得無上清淨法身到第一彼岸何以故依此四種清淨法界修習善法此是諸佛隨順法子於佛家生是故偈言

大乘信為子 般若以為母 憐胎大悲乳

諸佛如寶子

偈言信等四種法清淨因應知故又

依果業故說一偈

淨我樂業等 彼岸功德果 欲苦求涅槃

欲願等諸業

此初半偈示現何義偈言

略說四句義 四種顛倒法於法身中倒

修行對治法

此偈明何義彼信等四法如來法身

因此能清淨彼向說四種法依次第

略說對治四顛倒如來法身四種功

德波羅蜜果應知偈言略說四句義

故此明何義謂於色等無常事起

於常想於善法中起於樂想於無我

中起於我想於不淨中起於淨想是

等名為四種顛倒應知偈言四種顛

倒法故為對治此四種顛倒故有四

實性論卷第三 第六 四

等無常事中生元常想苦想無我想不淨想等是名四種不顛倒對治應知偈言修行對治法故如是四種顛倒對治依如來法身後是顛倒應知

偈言於法身中倒故對治此倒說有

四種如來法身功德波羅蜜果何等

為四所謂常波羅蜜樂波羅蜜我波

羅蜜淨波羅蜜應知偈言修行對治

法故是故聖者勝慧經言世尊凡夫

眾生於五陰法起顛倒想謂無常常

想若有樂想無我我想不淨淨想世

尊一切阿羅漢辟支佛空智者於一

切智境界及如來法身本所不見若

有眾生信佛語故於如來法身起

常想樂想我想淨想世尊彼諸眾生

非顛倒見是名正見何以故唯如來

法身是常波羅蜜樂波羅蜜我波羅

蜜淨波羅蜜世尊若有眾生於佛法

身作是見者是名正見世尊正見者

是佛真子從佛口生從正法生從法

化生得法餘財如是等故又此四種

如來法身功德波羅蜜從因向果次

實性論卷第三 第七 四

因向果謂誹謗大乘一闢提障實無有淨而心樂著取世間淨此障對治謂諸菩薩摩訶薩信大乘修行證得第一淨波羅蜜果應知於五陰中見有神我諸外道障實無神我而樂著取我此障對治謂諸菩薩摩訶薩修行般若波羅蜜證得第一我波羅蜜果應知此明何義一切外道執著色等非真實事以為有我而彼外道取著我相無如是我相虛妄顛倒一切時無我以是義故說言如來如實智知一切法無我到第一彼岸而如來無彼我無我相何以故以一切時如實見知不虛妄故非顛倒故此以何義以即無我名為有我即無我者無彼外道虛妄神我名有我者如來有彼得自在我是故偈言

如清淨真空得第一無我

諸佛得淨體是名得大身

此偈明何義得大身者謂世來得第一清淨真如法身彼是諸佛如來實我我得自在體以得第一清淨身偈言諸佛得淨體故以是義故諸佛名

實性論卷第三

第九

竭

得清淨自在偈言是名得大身故以是義故依於此義諸佛如來於無漏界中得為第一最自在我又復即依如是義故如來法身不名為有以無我相無法相故以是義故不得言有以如彼相如是無故又復即依如是義故如來法身不名為無以唯有彼真如我體是故不得言無法身以如彼相如是有故依此義故諸外道問如來死後為有身耶為無身耶有如是等是故如來不記不答諸聲聞人畏世間苦為對治彼畏世間苦諸菩薩摩訶薩修行一切世間出世間諸三昧故證得第一樂波羅蜜果應知辟支佛人棄捨利益一切衆生樂住寂靜為對治彼棄捨衆生諸菩薩摩訶薩修行大悲住無限齊世間常利益衆生證得第一常波羅蜜果應知是名諸菩薩摩訶薩信及般若三昧大悲四種修行如是次第得如來身淨我樂常四種功德波羅蜜果應知又復有義依此四種如來法身名為廣大如法界究竟如虛空盡未來際

實性論卷第三

第九

竭

此明何義信修行大乘是故諸佛如來常得清淨法界到第一彼岸是故說言廣大如法界修行般若波羅蜜是故諸佛如來成就虛空法身以器世間究竟無我以修行虛空藏等無量三昧以是義故於一切處一切法中皆得自在是故說言究竟如虛空以修行大悲於一切衆生無限齊時得慈悲心平等是故說言盡未來際又此四種波羅蜜等住無漏界中聲聞辟支佛得大力自在菩薩為證如來功德法身第一彼岸有四種障何等為四一者緣相二者因相三者生相四者壞相緣相者謂無明住地即此無明住地與行作緣如無明緣行無明住地緣亦如是故因相者謂無明住地緣行即此無明住地緣行為因如行緣識無漏業緣亦如是故生相者謂無明住地緣依無漏業因生三種意生身如四種取緣依有漏業因而生三界三種意生身亦如是故壞相者謂三種意生身緣不可思議變易死如依生緣故有老死三種

實性論卷第三

第十

竭

意生身緣不可思議變易死亦如是

中廣說應知

如來法身有樂波羅蜜應知何等為

故又一切煩惱染皆依無明住地根

復次以聲聞辟支佛大力菩薩三種

二者遠離一切苦二者遠離一切

本以不離無明住地聲聞辟支佛大

意生身中無淨我樂常波羅蜜彼岸

煩惱習氣此以何義云何遠離一切

力菩薩未得遠離無明住地始是故

功德身是故聖者勝鬘經言唯如來

苦以滅一切種苦故以滅一切意生

未得究竟無為淨波羅蜜又即依彼

法身是常波羅蜜樂波羅蜜我波羅

身故云何遠離煩惱習氣以證一切

無明住地緣以細相戲論習未得永

如來法身自性清淨離一切煩惱障

法故有二種法依此二法如來法身

滅是故未得究竟無為我波羅蜜又

智障習氣故名為淨是故說言唯如

有常波羅蜜應知何等為二者不

即緣彼無明住地有細相戲論集因

來法身是淨波羅蜜以得寂靜第一

者不取無為涅槃以離常見邊故以

無漏業生於意陰未得永滅是故未

自在我故離無我戲論究竟寂靜故

是義故聖者勝鬘經中說言世尊見

得究竟無為樂波羅蜜以諸煩惱染

名為我是故說言唯如來法身是我

諸行無常是斷見非正見見涅槃常

業染生染未得永滅是故未證究竟

波羅蜜以得遠離意生陰身因故名

是常見非正見妄想見故作如是見

甘露如來法身以未遠離不可思議

為樂是故說言唯如來法身是樂波

故以是義故依如是向說法界法門

變易生死常未究竟是故未得不變

羅蜜以世間涅槃平等證故故名為

第一義諦說即世間法名為涅槃以

異體是故未得究竟無為常波羅蜜

常是故說言唯如來法身是常波羅

此二法不分別故以證不住世間涅

又如煩惱染無明住地亦如是如業

蜜又復略說有二種法依此二法如

暎故是故偈言

染無漏業行亦如是如生染三種意

來法身有淨波羅蜜應知何等為二

無分別之人不分別世間不分別涅槃

生身及不可思議變易死亦如是

一者本來自性清淨以因相故二者

後半偈者示現何義偈言

如聖者勝鬘經言世尊譬如取緣有

雖垢清淨以勝相故有二種法依此

若無佛性者不得歡諸苦下求涅槃

漏業因而生三有如是世尊依無明

二法如來法身有我波羅蜜應知何

亦不欲不願

住地緣無漏業因生阿羅漢辟支佛

等為二者遠離諸外道邊以離虛

以是義故聖者勝鬘經言世尊者無

大力菩薩三種意生身世尊此三乘

妄我戲論故二者遠離諸聲聞邊以

如來藏者不得歡若樂求涅槃亦無

地三種意生身及無漏業生依無

雖無我戲論故有二種法依此二法

欲涅槃亦不願求如是等此明何義略說佛性清淨正因於不定聚衆生能作二種業何等爲二一者依見世間種種苦惱歌諸苦故生心欲離諸世間中一切苦惱偈言若無佛性者不得厭諸苦故二者依見涅槃樂怖寂樂故生求心欲心願心偈言若無佛性者不求涅槃樂亦不欲不願故又欲者求涅槃故求者怖涅槃故怖者於怖求法中不怯弱故欲得者於所求法中方便追求故及諮問故願者所期法中所期法者心心相行是故偈言

見苦果樂果此依性而有若無佛性者不起如是心

此偈明何義凡所有見世間苦果者凡所有見涅槃樂果者此二種法善根衆生有一切依因真如佛性非離佛性無因緣故起如是心偈言見苦果樂果此依性而有故若無因緣生如是心者一聞提等無涅槃性應發菩提心偈言若無佛性者不起如是心故以性未離一切客塵煩惱諸垢

實性論卷第三 第十四張

三

於三乘中未曾修習一乘信心又未親近善知識等亦未修習親近善知識因緣是故華嚴性起中言次有乃至邪見聚等衆生身中皆有如來日輪光照作彼衆生利益作未來因善根增長諸白法故向說一聞提常不入涅槃無涅槃性者此義云何爲欲示現謗大乘因故此明何義爲欲迴轉謗大乘心不求大乘心故依無量時故如是說以彼實有清淨性故不得說言彼常畢竟無清淨性又依相應義故說一偈

大海器寶水無量不可盡如燈明觸色性功德如是

此初半偈示現何義偈言

佛法身慧定悲攝衆生性海珍寶水等相似相對法

此偈明何義以有三處故次第有三種大海相似相對法於如來性中依因畢竟成就相應義應知何等三處一者法身清淨因二者集佛智因三者得如來大悲因法身清淨因者信修行大乘器相似相對法以彼無量

實性論卷第三 第十四張

四

不可盡故偈言佛法身故海相似相對法故集佛智因者般若三昧珍寶相似相對法偈言慧定故珍寶相似相對法故得如來大悲因者大慈悲心心水相似相對法偈言悲攝衆生性故水相似相對法故又修行智慧三昧門寶相似相對法以彼無分別不可思議有大勢力功德相應故又修行菩薩大悲水相似相對法以於一切衆生柔軟大悲得一味等味相行故如是彼三種法此三種因和合畢竟不相捨離故名相應後半偈者示現何義偈言

通智及無垢不離於真如如燈明觸色無垢界相似

此偈明何義有三處次第三種燈相似相對法於如來法界中依果相應義應知何等三處一者通二者知漏盡智三者漏盡此以何義通者有五通光明相似相對法以受用事能散滅彼與智相違所治闇法能治相似相對法故偈言通故明故知漏盡智者無漏智燭相似相對法以能

實性論卷第三 第十六張

竭

燒業煩惱無有餘殘能燒相似相對
法故偈言智故燭故漏盡者轉身漏
盡色相似相對法以常無垢清淨光
明具足相無垢相似相對法故偈言
無垢故色故又無垢者以離煩惱障
故清淨者以離智障故光明者如自
性清淨體彼二是客塵煩惱如是略
說六種無漏智離煩惱無學身所攝
法於無漏法界中彼此迭共不相捨
離不差別法界平等畢竟名相應義
應知又依行義故說一偈

見實者說言凡夫聖人佛衆生如來藏
真如無差別

此偈示現何義偈言

凡夫心顛倒見實異於彼如實不顛倒
諸佛離戲論

此偈明何義向明如來法界中一切
法真如清淨明同相依般若波羅蜜
無分別智法門等為諸菩薩摩訶薩
說此以何義略明依三種人何等為
三者畢竟成就如來法身是名三種
行應知應云何知謂取顛倒離顛倒

實性論卷第三 第七

離戲論如是次第此以何義取顛倒
者謂諸凡夫三種虛妄想心見故偈
言凡夫心顛倒故離顛倒者以聖人
遠離虛妄想心見故偈言見實異於
彼故離戲論者正離顛倒及諸戲論
以煩惱障智障及煩惱習氣諸佛如
來根本永盡故偈言如實不顛倒諸
佛離戲論故自此以下即依此行餘
四種義廣差別說應知又復即依彼
三種人依時差別故說一偈
有不淨有淨及以善淨等如是次第說
衆生菩薩佛

此偈示現何義偈言

體等六句義略明法性體次第三時中
說三種名字

此偈明何義謂向所明無漏法性如
來廣說種種法門彼諸法門略說未
於六種句義所謂攝聚體因果業相
應及行偈言體等六句義略明法性
體故於三時中次第依彼三種名字畢
竟應知偈言次第三時中說三種名
字故此以何義謂不淨時名為衆生
偈言有不淨故不淨淨時名為菩薩

實性論卷第三 第六

得言有淨故於善淨時名為如來偈
言及以善淨故以是義故不增不減
經言舍利弗即此法身過於恒沙无
量煩惱所經從無始來隨順世間生
死濤波去來生退名為衆生舍利弗
即此法身歇離世間生死苦惱捨一
切欲行十波羅蜜攝八万四千法門
修菩提行名為菩薩舍利弗即此法
身得離一切煩惱使纏過一切苦離
一切煩惱垢得淨得清淨得住彼岸
清淨法中到一切衆生所觀之地於
一切境界中更無勝者離一切障離
一切碍於一切法中得自在力名為
如來應正遍知故偈言如是次第說衆
生菩薩佛故自此以下即依彼三時
明如來法性遍一切處故說一偈
如空遍一切而空無分別自性無垢心
亦遍無分別

此偈示現何義偈言

過功德畢竟遍至及同相下中勝衆生
如虛空中色

此偈明何義所有凡夫聖人諸佛安
來自性清淨心平等無分別彼清淨

實性論卷第三 第十九

心於三時中次第於過失時於功德時於功德清淨畢竟時同相無差別猶如虛空在瓦銀金三種器中平等無異無差別一切時有以是義故經中說有三時次第如不增不減經言舍利弗不離衆生界有法身不離法身有衆生界衆生界即法身法身即衆生界舍利弗此二法者義一名異故自此已下即依此三時明如來法性遍至一切處依染淨時不變不異有十五偈此等諸偈略說要義應知偈言諸過客塵來性功德相應 真法體不變如本後亦今

此偈明何義偈言

十一偈及二次第不淨時煩惱客塵過第十四十五於善淨時中過恒沙佛法不離脫思議佛自性功德本際中間際及以後際等如來真如性體不變不異初依不淨時不變不異十一偈者如虛空遍至體細塵不染佛性遍衆生諸煩惱不染如一切世間依虛空生滅依於無漏界有諸根生滅火不燒虛空若燒无是處如是老病死不能燒佛性

寶性論卷第三 第三十

頌

地依於水住水復依於風風依於虛空空不依地等如是陰界根住煩惱業中諸煩惱業等住不善思惟不善思惟行住清淨心中自性清淨心不住彼諸法陰入界如地煩惱業如水不正念如風淨心界如空依性起邪念念起煩惱業依因煩惱業能起陰入界依止於五陰界入等諸法有諸根生滅如世界成壞淨心如虛空無因復無緣及無和合義亦無生住滅如虛空淨心常明无轉變為虛妄分別客塵煩惱染

此虛空譬喻偈示現何義明如來性依不淨時法體不變偈言

不正思惟風諸業煩惱水自性心虛空不為彼二生自性清淨心其相如虛空邪念思惟風所不能散壞諸業煩惱水所不能濕爛老病死熾火所不能燒燃此偈明何義如依邪念風輪起業煩惱水聚依業煩惱水聚生陰界入世間而自性心虛空不生不起偈言不正思惟風諸業煩惱水自性心虛空不為彼二生故如是依邪念風災業行煩惱水灾老病死等火灾吹浸燒

寶性論卷第三 第三十

頌

壞陰入界世間而自性清淨心虛空常住不壞如是於不淨時中器世間相似相對法諸煩惱染業染生染有集有滅諸佛如來無為之性猶如虛空不生不滅常不變易示現法體此自性清淨法門虛空譬喻如陀羅尼自在王菩薩修多羅中廣應知彼經中言諸善男子煩惱本體真性本明淨一切煩惱羸薄毗婆舍那有大勢力一切煩惱客塵自性清淨心根本一切諸煩惱虛妄分別自性清淨心如實不分別諸佛子善淨大地依水而住水依風住風依空住而依虛空無依住處諸善男子如是四大地大水大風大空大此四大中唯虛空大以為最勝以為大力以為堅固以為不動以為不作為不散不生不滅自然而住諸善男子彼三種大生滅相應無實體性剎那不住諸佛子此三種大變異無常諸佛子而虛空界常不變異諸佛子如是陰界入依業煩惱住諸煩惱業依不正思惟住不正思惟依於佛性自性清淨心

寶性論卷第三 第三十

頌

住以是義故經中說言自性清淨心
客塵煩惱諸善男子所有邪念所
有煩惱業所有陰界入如是諸法從
於因緣和合而生以諸因緣壞散而滅
諸善男子彼自性清淨心無因無緣
故無和合不生不滅諸善男子如虛
空界自性清淨心亦復如是如風大
界不正思惟亦復如是如水大界諸
業煩惱亦復如是如地大界陰界入
等亦復如是是故說言一切諸法皆
無根本皆無堅實無住无住本換本
清淨無根本故已說不淨時中依无
分別相自性清淨心虛空界相似相
對法已說依彼起不正念風界相似
相對法已說依不正念諸業煩惱因
相水界相似相對法已說依彼生陰
界入果相轉變地相似相對法未說
彼焚燒死病老等諸過患相火相似
相對法是故次說偈言

有三火次第劫燒人地獄能作種種苦
能熟諸行根

此偈明何義明此三法老病死火於
不淨時中不能變異彼如來藏是故

寶性論卷第三 第三品 頌

聖者勝曼經言世尊生死者依世諦
故說有生死世尊死者諸根壞世尊
生者新諸根起世尊而如來藏不生
不死不老不變何以故世尊如來藏
者離有為相境界世尊如來藏者常
恒清涼不變故已說依不淨時不變
不異次說依淨不淨時不變不異故
說二偈

菩薩摩訶薩如實知佛性不生亦不滅
復無老病等菩薩如是知得離於生死
憐愍眾生故示現有生滅

此偈示現何義偈言

老病死諸苦聖人永滅盡依業煩惱生
諸菩薩無彼

此偈明何義明此老病死等苦火於
不淨時依業煩惱本生如世間火依
薪本生以諸菩薩得生意生身於淨
不淨時畢竟永滅盡以是義故諸業
煩惱等常不能燒然而依慈悲力故
示現生老病死而遠離生等以見如
實故以是義故諸菩薩摩訶薩依善
根結使生非依業煩惱結使生以依
心自在力生依大悲力現於三界示

寶性論卷第三 第二四品 頌

三示現老示現病示現死而彼無
有生老病死諸苦等法以如實見真
如佛性不生不滅是名不淨淨時如
修多羅中依受無漏業根本煩惱廣
說應知如如來於大海慧菩薩經中
說言大海慧何者能住世間善根相
應煩惱所謂集諸善根無有厭足故
以心願生攝取諸有故求見一切諸
佛如來故教化一切眾生心不疲倦
故攝取一切諸佛妙法故於諸眾生
常作利益故常不捨離樂食諸法結
使故常不捨離諸波羅蜜結使故大
海慧是名諸菩薩摩訶薩世間善根
相應煩惱依此煩惱諸菩薩摩訶薩
生於三界受種種苦不為三界煩惱
過患之所染汙大海慧菩薩自佛言
世尊此諸善根以何義故說名煩惱
佛告大海慧菩薩言大海慧如是煩
惱諸菩薩摩訶薩能生三界受種種
苦依此煩惱故有三界非染煩惱三
界中生大海慧菩薩以方便智力依
善根力故心生三界是故名為善根
相應煩惱而生三界非染心生大海

寶性論卷第三 第三五品 頌

慧賢如長者若居士等唯有一子甚愛甚念見者歡喜而彼一子依愚癡心因戲樂故墮在極深糞廁井中時彼父母及諸親屬見彼一子墮在大廁深坑糞中見已歔歔悲泣啼哭而不能入彼極深廁糞器中而出其子

余時彼處眾中更有一長者子或一居士子見彼小兒墮在深廁糞井中見已疾疾生一子想生愛念心不起惡心即入深廁糞井中出彼一子大海慧為顯彼義說此譬喻大海慧何者彼義大海慧言極深井糞坑者名為三界大海慧言一子者一切眾生諸菩薩等於一切眾生生一子想大海慧今時父母及諸親者名為聲聞辟支佛人以二乘人見諸眾生墮在世間極大深坑糞井中既見彼已悲泣啼哭而不能拔彼諸眾生大海慧彼時更有一長者子一居士子者名為菩薩摩訶薩離諸煩惱清淨無垢以離垢心現見無為真如法界以自在心現生三界為教化彼

寶性論卷第三 第三十六 頌

諸眾生故大涅槃是名菩薩摩訶薩大悲畢竟遠離諸有畢竟遠離諸縛而迴生於三界中有中以依方便般若力故諸煩惱火不能焚燒欲令一切諸眾生等遠離諸縛而為說法大海慧我今說此修多羅句依諸菩薩心為利益一切眾生得自在力而生三有依諸善根慈悲心力依於方便般若力故是名示現淨不淨時又菩薩摩訶薩以如實智知如來法身不生不滅故得如是菩薩摩訶薩功德法體此修多羅句向前已說自下次說大毗琉璃摩尼寶喻佛言大海慧譬如無價大毗琉璃摩尼寶珠善治善淨善光明隨在泥中住一千年彼摩尼寶經千年後乃出彼泥出已水洗已極淨極淨洗已然後極明即不失本清淨無垢摩尼寶體大海慧菩薩摩訶薩亦復如是如實知見一切眾生自性清淨光明淨心而為客塵煩惱所染大海慧諸菩薩等生如是心彼諸煩惱不染眾生自性淨心是諸煩惱客塵虛妄分別心起而彼諸

寶性論卷第三 第三十七 頌

菩薩復生是我今畢竟令諸眾生遠離客塵諸煩惱垢為之說法如是菩薩不生怯弱心轉於一切眾生生增上力我要畢竟令得解脫菩薩今時復生是心此諸煩惱無有少體菩薩今時復生是心諸煩惱無體諸煩惱羸薄是諸煩惱無有住處如是菩薩如實知諸煩惱虛妄分別而有依邪見念而有以正見者諸煩惱垢不能得起菩薩今時復生是我應如實觀諸煩惱更不復生以不生煩惱故生諸善法菩薩今時復生是我若自起諸煩惱者云何而得為諸煩惱所縛眾生說法令離諸煩惱縛菩薩今時復生是我以我不著諸煩惱故是故得為諸煩惱縛眾生說法我應修行諸波羅蜜結使煩惱相應善根為欲教化諸眾生故又復云何名為世間以三界相似鏡像法故此明何義依無漏法界中有三種意生身應知彼因無漏善根所作名為世間以離有漏諸業煩惱所作世間法故亦名涅槃依此義故聖者勝護經言

寶性論卷第三 第三十八 頌

世尊有有為世間有無為世間世尊有有為涅槃有無為涅槃故又有為無為心心數法相應法故說名為淨不淨時此義於第六菩薩現前地說彼諸漏盡無障身般若波羅蜜解脫現前修行大悲以為救護一切眾生故不取證如寶嚴經中依漏盡故說入城喻彼經中言善男子譬如城隍廣正等各一由旬多有諸門路險黑闇甚可怖畏有人入者多受安樂復有一人唯有一子愛念甚重遙聞彼城如是快樂即便捨子欲往入城是人方便得過險道到彼城門一足已入一足未舉即念其子尋作是念我唯一子來時云何竟不與俱誰能養護今離眾苦即捨樂城還至子所善男子菩薩摩訶薩亦復如是為憐愍故修集五通既修集已垂得盡漏而不取證何以故愍眾生故捨漏盡通乃至行於凡夫地中善男子城者喻於大般涅槃多諸門者喻於八万諸三昧門路險難者喻諸魔軍到城門者喻於五通一足入者喻於智

慧一足未入者喻諸菩薩未證解脫言一子者喻於五道一切眾生願念子者喻大悲心還子所者喻調眾生能得解脫而不證者即是方便善男子菩薩摩訶薩大慈大悲不可思議如是善男子菩薩摩訶薩大方便力發大精進起堅固心修行禪定得證五通如是菩薩依禪通業善修心淨無漏滅盡定現前如是菩薩即得生於大悲之心為救一切諸眾生故現前無漏智通而迴轉不取寂滅涅槃以為教化諸眾生故迴取世間乃至示現凡夫人地於第四菩薩焰地中為自利益善起精進為利益他善起堅固心漏盡現前於第五菩薩難勝地中依止五通自利利他善熟心行無漏滅盡定現前是故於第六菩薩地中無障身般若波羅蜜起漏盡現前是故於第六菩薩現前地中得漏盡自在說名清淨是菩薩如是自身正修行教化眾生令置彼處得大慈悲心於顛倒眾生救護心不著寂滅涅槃善作彼方便現前世間門為

眾生故現前涅槃門為菩提分滿足故修行四禪迴生欲界以為利益地獄畜生餓鬼凡夫種種眾生示現諸身以得自在故已說依不淨淨時不變不異次說依善淨時不變不異故說二偈
俯身不變異以得無盡法眾生所歸依以無邊際故常住不二法以離妄分別恒不熱不作清淨心力故
此偈示現何義偈言
不生及不死 不病亦不老以常恒清涼及不變等故
此偈明何義偈言
以常故不生 離意生身故以恒故不死離不思議退清涼故不病無煩惱智故不變故不老無漏行故
此偈明何義明如來性於佛地時无垢清淨光明常住自性清淨以本際來常故不生以離意生身故以未來際恒故不死以離不可思議變易死故以本後際來清涼故不病以離无明住地所攝故若如是者不墮三世彼則不變是故不老以離無漏業迴

轉故又復偈言

有二復有二復有二二句 次第如常等
無漏境界中

此偈明何義常恒清涼及不變等此
四種句於無漏法界中次第二句
二二本二釋義差別如不增不減
修多羅中說言舍利弗如來法身常
以不異法故以不盡法故舍利弗如
來法身恒以常可歸依故以求來際
平等故舍利弗如來法身清涼以不
二法故以無分別法故舍利弗如來
法身不變以非滅法故以非作法故
已說不變異次說無差別元差別者
即依此善淨時本際以來畢竟究竟
自體相善淨如來藏無差別故說
一偈

法身及如來聖諦與涅槃功德不相離
如光不離日

此初半偈示現何義偈言

略明法身等義一而名異依無漏界中
四種義差別

此偈明何義略說於無漏法界中依
如來藏有四種義依四種義有四種

寶性論卷第三 第三十二頌 頌

名應知何等四義偈言

佛法不相離及彼真如性法體不虛妄
自性本來淨

此偈明何義佛法不相離者依此義
故聖者勝鬘經言世尊不空如來藏
過於恒沙不離不脫不思議佛法故
及彼真如性者依此義故六根聚經
言世尊六根如是從無始來畢竟
究竟諸法體故法體不虛妄者依此義
故經中說言世尊又第一義諦者謂
不虛妄涅槃是也何以故世尊彼性本
際來常以法體不變故自性本來淨者
依此義故經中佛告文殊師利如來應
正遍知本際以來入涅槃故又復依
此四義次第有四種名何等為四一
者法身二者如來三者第一義諦四
者涅槃以是義故不增不減經言舍
利弗言如來藏者即是法身故又復
聖者勝鬘經言世尊不離法身有如
來藏世尊不離如來藏有法身世尊
依一苦滅諦說名如來藏世尊如是
說如來法身無量無邊功德世尊言
涅槃者即是如來法身故後半偈者

寶性論卷第三 第三十三頌 頌

示現何義偈言

覺一切種智離一切習氣佛及涅槃體
不離第一義

此四種名於如來法身無漏界中一
味一義不相捨離是故雖復有四種
名而彼四義不離一法門不離一法
體此以何義所證一切法覺一切智
及離一切智障煩惱障習氣此二種
法於無漏法界中不異不差別不斷
不相離以是義故大般涅槃經中偈言
無量種功德一切不思議不差別解脫
解脫即如來

以是義故聖者勝鬘經言世尊言聲
聞辟支佛得涅槃者是佛方便故此
明何義言聲聞辟支佛有涅槃者此
是諸佛如來方便見諸眾生於長道
曠野遠行疲憊恐有退轉為止息故
造作化城如來如是於一切法中得
大自在大方便故故明如是義世尊
如來應正遍知證平等涅槃一切功
德無量無邊不可思議清淨畢竟究
竟此明何義依四種義畢竟功德諸
佛如來無差別涅槃相無上果中佛

寶性論卷第三 第三十四頌 頌

及涅槃一切功德不相捨離若離佛地界中證智更無餘人有涅槃法示現如是義依一切種智於諸佛如來無漏法界中譬喻示現此明何義寶經中畫師譬喻示現具足一切功德應知偈言

如種種畫師所知各差別彼一人知分第二人不知有自在國王勅諸畫師言於彼標畫處具足作我身國中諸畫師一切皆下手若不關一人乃成國王像畫師受勅已畫作國王像彼諸畫師中一人行不在由無彼一人國王像不成以其不滿足一切身分故所言畫師者皆種種等行言國王像者示一切種智一人不在者示現少一行王像不成者空智不具足

此偈明何義以是義故寶經言善男子諦聽諦聽我今為汝說此譬喻善男子譬如三千大千世界所有衆生悉善知畫其中或有善能泥塗或能磨彩或曉畫身不曉手足或曉手足不曉面目時有國王以一張疊與是諸人而告之言凡能畫者皆悉聚

集於此疊上盡吾身像余時諸人悉來集聚隨其所能而共作之有一畫師以緣事故竟不得來諸人畫已持共上王善男子可言諸人悉集作不也世尊善男子我說此喻其義未顯善男子一人不來故不得言一切集作亦不得言像已成就佛法行者亦復如是若有一行不成就者則不名具足如來正法是故要當具足諸行名為成就無上菩提故又此種種等諸波羅蜜一一差別唯是如來所知境界如來知彼種種差別無量无边應知以彼竿數自在力等不能思議故以對治彼憊等諸垢是故得成清淨種種等諸波羅蜜又以修行一切種一切空智及種種三昧門於第八菩薩不動地中不分別一切菩薩地無間無隔自然依止道智修行得無生法忍成就具足如來無漏成就一切功德於第九菩薩善慧地中依阿僧祇三昧陀羅尼海門攝取無量无边諸佛之法依止解一切衆生慢智成就無量无边功德空智得無生法忍

於第十菩薩法雲地中依止一切如來現前密智智成就無量无边功德聚得無生空法忍次後得諸三昧斷一切煩惱障智障依止諸解脫門智成就清淨彼岸功德具足得一切種一切空智以如是等四種地智中非聲聞辟支佛地以彼聲聞辟支佛等去之甚遠以是義故說彼四種成就不是別涅槃界是故偈言

慧智及解脫不離法界體無差涅槃界日相似相對

此偈明何義以何等慧以何等智以何等解脫彼三不離法界實體明彼四種功德成就無差別涅槃界偈言無差別涅槃界故為彼四種義次第故有四種相似相對法應知何等為四一者佛法身中依出世間無分別慧能破第一無明黑闇彼光明照相似相對法應知偈言慧故日相似相對故二者依智故得一切智智知一切種照一切事故放光明羅網相似相對法應知偈言智故日相似相對故三者依止彼二自性清淨心解脫无

無量煩惱所纏品第六

後魏中印度三藏勒那摩提譯

論曰偈言

向說如來藏十種義示現次說煩惱纏以九種辭喻

日不可得見

此偈明何義以如向說無漏法界中無始世界來諸佛法身中無漏諸法一切功德不相捨離以是義故速離如來無障无碍法身智慧離一切障涅槃體相不可得見不可得證如離日光明無日輪可見以是義故聖者勝疑經言法無優劣故得涅槃知諸法平等智故得涅槃平等智故得涅槃平等智故得涅槃平等智故得涅槃故得涅槃是故世尊說涅槃界一味等味謂明解脫一味故

究竟無實性論卷第三

已

癸卯歲高麗國大藏都監奉勅雕造

寶性論卷第三

第十八

四

應知又依彼義略說二偈

華嚴繪糞穢地界故壞衣貪賤女泥撲煩惱垢相似佛蜜寶真金寶牙金像五

上妙寶像等如來藏相似

此偈示現何義偈言

華嚴等諸喻明衆生身中無始世界來

有諸煩惱垢佛蜜等諸喻明衆生身中

無始來具足自性無垢體

又復略說此如來藏修多羅中明一

切衆生界從無始世界來客塵煩惱

染心從無始世界來淨妙法身如來

藏不相捨離是故經言依自虛妄染

心衆生染依自性清淨心衆生淨云

何自心染依自心染有九種喻謂華

華等應知偈言

貪瞋癡相續及結使熏集見脣道不淨

及淨地有垢華華等諸喻說九種相對

無邊煩惱纏故說差別相

此偈明何義略說有九種煩惱於自

性清淨如來法身界中如華華等九

種辭喻於諸佛等常外客相諸煩惱

垢亦復如是於真如佛性常客塵相

何等以為九種煩惱一者貪使煩惱

寶性論卷第四

第二

四

二者瞋使煩惱三者癡使煩惱四者增上貪瞋癡結使煩惱五者無明住地所攝煩惱六者見道所斷煩惱七者修道所斷煩惱八者不淨地所攝煩惱九者淨地所攝煩惱此如是等九種煩惱以彼九種譬喻示現應如此明何義世間貪等衆生身中所攝煩惱能作不動地業行緣成就色界無色界果報出世間智能斷名為貪瞋癡使煩惱偈言貪瞋癡相續故又增上貪瞋癡衆生身中所攝煩惱能作福業罪業行緣但能成就欲界果報唯有不淨觀智能斷名為增上貪瞋癡等結使煩惱偈言及結使故又阿羅漢身中所攝煩惱能作無漏諸業行緣能生無垢意生身果報唯如來菩提智能斷名為無明住地所攝煩惱偈言熏集故又有二種學人何等為二一者凡夫二者聖人凡夫身中所攝煩惱初出世間心見出世間法智能斷名為見道所斷煩惱偈言見道故聖人身中所攝煩惱如先見出世間法修道智能斷名為修道所

寶性論卷第四 第三攝 講

斷煩惱偈言修道故又不究竟三昧謂從初地乃至七地所攝煩惱七住地中所對治法八地已上三住地中修道智能斷名為不淨地所攝煩惱偈言不淨故又畢竟究竟菩薩身中所攝煩惱八地已上三地修道智所對治法金剛三昧智能斷名為淨地所攝煩惱偈言及淨地有垢故是名略說九種煩惱次第華嚴等九種譬喻我已廣說應知又復即此九種煩惱依八萬四千衆生行故有八萬四千煩惱差別如來智無量無邊故有如是無量無邊煩惱經如來藏故言無量煩惱藏所經如來藏是故偈言愚癡及羅漢諸學及大智次第四種及一二復二如是次第說四凡一聖人二學二大智名為不淨地此偈明何義此九種譬喻於無漏界中如是次第四種譬喻及第五種譬喻後時二煩惱諸垢依煩惱垢染故言不清淨又復云何知此九種貪等煩惱於華嚴等九種譬喻相似相對

寶性論卷第四 三三攝 講

又云何知如來藏於諸佛等九種譬喻相似相對偈言依佛神力故有彼衆妙華初榮時則愛後萎變不愛如華依榮悴有愛有不愛貪煩惱亦尔初榮後不樂群蜂為成壑瞋心隨諸花瞋恚心起時生種種苦惱箱等內堅實外為皮輪覆如是癡心經不見內堅實猶如臭穢糞智觀貪亦尔起欲心諸相結使如微羣譬如彼地中種種珍寶藏衆生無天眼是故不能見如是自在智為無明地覆衆生无智眼是故不能見如子離皮猶次第生芽等見道斷煩惱次第生諸地以宮身見等攝取妙聖道修道斷煩惱故說譬喻未七地中諸垢猶如胎所經遠離胎藏智無分別淳熟三地知諸垢如泥摸所泥大智諸菩薩金剛定智斷華嚴至泥摸如是九種喻示貪瞋癡等九種煩惱垢垢中如來藏佛等相對法如是九種義以三種體攝此偈明何義謂依法身自性清淨心如來藏等三種實體有諸佛等九種譬喻相似相對法應知三種實體者

寶性論卷第四 第五攝 講

偈言

法身及真如 如來性實體三種及一種
五種喻示現

此偈明何義初三種喻示現如來法
身應知三種譬喻者所謂諸佛美瑩
堅固示現法身偈言法身故一種譬
喻者所謂真金示現真如偈言真如
故又何等為五種譬喻一者地藏二
者樹三者金像四者轉輪聖王五者
寶像能生三種佛身示現如來性偈
言如來性故又法身者偈言

法身有二種 清淨真淨界及依彼習氣
以深淺義說

此偈明何義諸佛如來有二種法身
何等為二者寂靜法界身以無分
別智境界故如是諸佛如來法身唯
自內身法界能證應知偈言清淨真
法界故二者為得彼因謂彼寂靜法
界說法依可化衆生說彼說法應知
以依真如法身有彼說法名為習氣
偈言及依彼習氣故彼說法者復有
二種一細二麤細者所謂為諸菩薩
摩訶薩演說甚深秘密法藏以依第

寶性論卷第四

第六段 頌

一義諦說故廣者所謂種種修多羅
祇夜和伽羅那伽陀憂陀那尼陀那
等名字章句種種差別以依世諦說
故是故偈言

以出世間法 世中無譬喻是故依彼性
還說性譬喻如美瑩一味微細法亦
修多羅等說如種種異味

此偈明何義諸佛美瑩及堅固等三
種譬喻此明如來真如法身有二種
義一者遍覆一切衆生二者遍身中
有無有餘殘示現一切衆生有如來
藏此以何義於衆生界中無有一衆
生離如來法身在於法身外離於如
來智在如來智外如種種色像不離
虛空中是故偈言

譬如諸色像 不離於虛空如是衆生身
不離諸佛智以如是義故說一切衆生
皆有如來藏如虛空中色以性不改變
體本來清淨如真金不變故說真如喻
此偈明何義明彼真如如來之性乃
至邪乘衆生身中自性清淨心無異
無差別光明明了以離客塵諸煩惱
故後時說言如來法身如是以一真

寶性論卷第四

第七段

金譬喻依真如無差別不離佛法身
故說諸衆生皆有如來藏以自性清
淨心雖言清淨而本來無二法故是
故經中佛告文殊師利言文殊師利
如來如實知見自身根本清淨智以
依自身根本智故知諸衆生有清淨
身文殊師利所謂如來自性清淨身
乃至一切衆生自性清淨身此二法
者無二無差別是故偈言
一切諸衆生 平等如來藏真如清淨法
名為如來體依如是義故說一切衆生
皆有如來藏應當如是知
又復偈言
佛性有二種 一者如地藏 二者如樹果
無始世界來自性清淨心能行無上道
依二種佛性得出三種身依初譬喻故
知有初法身依第二譬喻知有二佛身
真佛法身淨猶如真金像以性不改變
攝功德實體證大法王位如轉輪聖王
依止鏡像體有化佛像現
此偈明何義餘五種譬喻所謂藏樹
金像轉輪聖王寶像譬喻示現生彼
三佛法身以依自體性如來之性諸

寶性論卷第四

第八段

頌

衆生藏是故說言一切衆生有如來藏此示何義以諸佛如來有三種身得名義故此五種身能作三種佛法身因以是義故說如來性因此以何義此中明性義以為因義以是義故經中偈言

無始世來性 作諸法依止 依性有諸道 及證涅槃界

此偈明何義無始世界性者如經說言諸佛如來依如來藏說諸衆生无

始本際不可得知故所言性者如聖者勝鬘經言世尊如來說如來藏者

是法界藏出世間法身藏出世間上上藏自性清淨法身藏自性清淨如

來藏故作諸法依止者如聖者勝鬘經言世尊是故如來藏是依是持是

住持是建立世尊不離不離智不斷不脫不異無為不思議佛法世尊亦

有斷脫異外離離智有為法亦依亦持亦住持亦建立依如來藏故依性

有諸道者如聖者勝鬘經言世尊生死者依如來藏世尊有如來藏故說

生死是名善說故及證涅槃界者如

實性論卷第四 第九

聖者勝鬘經言世尊依如來藏故有生生死依如來藏故證涅槃世尊若無如來藏者不得厭苦樂求涅槃不欲涅槃不願涅槃故此明何義明如來藏究竟如來法身不差別真如體相畢竟定佛性體於一切時一切衆生

身中皆無餘盡應知此云何知依法相知是故經言善男子此法性法體

性自性常住如來出世若不出世自性清淨本末常住一切衆生有如來

藏此明何義依法性法體依法相應依法方便此法為如是為不如是不可

思議一切覆依法依法量依法信得心淨得心定彼不可分別為實為不

實唯依如來信是故偈言 唯依如來信 信於第一義 如無眼目者 不能見日輪

此偈明何義略說一切衆生界中有四種衆生不識如來藏如生盲人何

等為四一者凡夫二者聲聞三者辟支佛四者初發菩提心菩薩如聖者

勝鬘經中說言世尊如來藏者於身見衆生非其境界世尊如來藏者於

身見衆生非其境界世尊如來藏者於

實性論卷第四 第一

取四顛倒衆生非其境界世尊如來藏者於散亂心失空衆生非其境界故此明何義身見衆生者謂諸凡夫以彼凡夫實無色等五陰諸法而取以為有我我所虛妄執著我我所慢

於離身見等滅諦無漏性甘露之法信亦不能何況出世間一切智境界

如來藏能證能解無有是憂又取四顛倒諸衆生者所謂聲聞辟支佛人

以彼聲聞辟支佛等應修行如來藏常而不修行如來藏以為常以顛倒

取一切法無常修行如來藏無常樂無常修行以不知不覺故應修行如

來藏樂而不修行如來藏以為樂以顛倒取一切法皆苦修行如來藏苦

樂苦修行以不知不覺故應修行如來藏我而不修行如來藏以為我以

顛倒取一切法無我修行如來藏無我樂無我修行以不知不覺故應修

行如來藏淨而不修行如來藏以為淨以顛倒取一切法不淨修行如來

藏不淨樂不淨修行以不知不覺故如是聲聞辟支佛等一切不能如實

實性論卷第四 第二

隨順法身修行以是義故第一彼岸常樂我淨法非彼聲聞辟支佛等所知境界如是樂顛倒無常苦無我不淨相等彼如來藏非其境界如是之義大般涅槃修多羅中池水譬喻廣明此義應知彼經中言迦葉譬如春時有諸人等在大池浴乘船遊戲失琉璃寶沒深水中是時諸人悉共入水求覓是寶覓捉瓦石草木沙礫各自謂得琉璃珠歡喜持出乃知非真是時寶珠猶在水中以珠力故水皆澄清於是大眾乃見寶珠故在水下猶如仰觀虛空月形是時眾中有一智人以便力安徐入水即便得珠汝等比丘不應如是偕集無常苦無我想不淨想等以為真實如彼諸人各以瓦石草木沙礫而為寶珠汝等應當善學方便在在處處常修我想常樂淨想復應當知先所修集四法相貌悉是顛倒欲得真實修諸想者如彼智人巧出寶珠所謂我想常樂淨想故又散亂心失空眾生者謂初發心菩薩離空如來藏義以失寶

實性論卷第四 第十二張 竭

○究竟一乘實性論

壞物修行名為空解脫門此以何義初發心菩薩起如是心實有法斷滅後時得涅槃如是菩薩失空如來藏修行又復有人以空為有物我應得空又生如是心離色等法別更有空我應修行令得彼空彼人不知空以何等法是如來藏偈言
不空如來藏謂無上佛法不相捨離相不增減一法如來無為身自性本來淨客塵盛衰添本來自性空
此偈明何義不減一法者不減煩惱不增一法者真如性中不增一法以不捨離清淨體故得言不相捨離相不增減一法故是故聖者勝踐經言世尊有二種如來藏空智世尊空如來藏若離若脫若異一切煩惱藏世尊不空如來藏過於恒沙不離不脫不異不思議佛法故如是以何等煩惱以何等處無如是如實見知名為空智又何等諸佛法何處具足有如是如實見知名不空智如是明離有無二邊如實知空相此二偈中明如是我又眾生若離如是空智彼人則是

實性論卷第四 第十三張 竭

佛境界外名不相應不得定不得一心以是義故名散亂心失空眾生何以故以離第義空智門無分別境界不可得證不可得見是故聖者勝踐經言世尊如來藏智名為空智世尊如來藏空智者一切聲聞辟支佛等本所不見本所不得本所不證本所不會世尊一切苦滅唯佛得證壞一切煩惱藏使一切滅苦道故如是此如來藏以法界藏故身見等眾生不能得見已說以身見相對治真實法界未現前故又如是出世間法身如來藏非顛倒眾生境界已說以無常等世間法對治出世間法界未現前故又如是自性清淨法界如來空藏非散亂心失空眾生境界已說以煩惱垢客塵染空自性清淨功德法不相捨離出世間法身得名故此明何義又依一味等味法界無差別智門觀察出世間自性清淨法身是名如實知見真如是故經說十住菩薩唯能少分見如來藏何況凡夫二乘人等是故偈言

實性論卷第四 第十四張 竭

辟如薄雲中見虛空有日淨慧諸聖人見佛亦如是聲聞辟支佛如無眼目者不能觀如來如盲不見日所知一切法有無量無邊遍虛空法界無量智能見諸如來法身充滿一切處佛智慧能見以無量智故

究竟二乘實性論為何義說品第七

問曰真如佛性如來藏義住無障間究竟菩薩地菩薩第一聖人亦非境界以是一切智者境界故若如是者何故乃為愚癡顛倒凡夫人說者曰以是義故略說四偈

處處經中說內外一切空有為法如雲及如夢幻等此中何故說一切諸眾生皆有如來性而不說空寂以有性弱心輕慢諸眾生執著虛妄法謬真如佛性計身有神我為今如是等遠離五種過故說有佛性

此四行偈以十一偈略釋應知偈言諸修多羅中說有為諸法謂煩惱業等如雲等虛妄煩惱猶如雲所作業如夢如幻陰亦亦煩惱業生故先已如是說此究竟論中為離五種過說有真如性

實性論卷第四 第十三

以眾生不聞不發菩提心或有性弱心欺自身諸過未發菩提心生起欺慢意見發菩提心我勝彼菩薩如是憍慢人不超正智心是故虛妄取不知如實法妄取眾生過不知客涼心實無彼諸過自性淨功德以取虛妄過不知實功德是故不得生自他平等慈聞彼真如性起大勇猛力及恭敬世尊智慧及大悲生增長五法不退轉平等無一切諸過唯有諸功德取一切眾生如我身無異速疾得成就無上佛菩提

究竟二乘實性論身轉清淨成菩提品第八

論曰已說有垢如自此以下說無垢如應知無垢如者謂諸佛如來於無漏法界中遠離一切種種諸垢轉離穢身得淨妙身依八句義略差別說彼真如性無漏法身應如何等為八偈言淨得及遠離自他利相應依止深快大時數如彼法

是名八種句義次第第一偈示現八種義者何謂八種一者實體二者因三者果四者業五者相應六者行七者常八者不可思議實體者向說如未

實性論卷第四 第十六

藏不離煩惱藏所經以遠離諸煩惱轉身得清淨是名為實體應知偈言淨故是故聖者勝鬘經言世尊若於無量煩惱藏所經如來藏不疑惑者於出無量煩惱藏法身亦無疑惑故因者有二種無分別智一者出世間無分別智二者依出世間智得世間出世間依止行智是名為因偈言得故果者即依此得證智果是名為果偈言遠離故業者有二種遠離一者遠離煩惱障二者遠離智障如是次第故名遠離如是遠離自利利他成就是名為業偈言自他利故相應者自利利他得無量功德常畢竟住持是名相應偈言相應故行常不思議者謂三種佛法身無始世界來作眾生利益常不休息不可思議偈言依止深快大故以是義故略說偈言實體因果業及以相應行常不可思議名佛地應知

又依實體依因於佛地中及得彼方便因故說三偈

向說佛法身自性清淨體為諸煩惱垢

實性論卷第四 第十七

客塵所染汙辟如虛空中離垢淨日月為彼厚密雲羅網之所覆佛功德無垢常恒及不變不分別諸法得無漏真智此三行偈以四行偈略釋應知偈言佛身不捨離清淨真妙法如虛空日月智離染不二過恒沙佛法明淨諸功德非作法相應不離彼實體煩惱及智障彼法實無體常為客塵染是故說雲喻遠離彼二因向二無分別無分別直智及依彼所得

此偈明何義向說轉身實體清淨又清淨者略有二種何等為二一者自性清淨二者離垢清淨自性清淨者謂性解脫無所捨離以彼自性清淨心體不捨一切客塵煩惱以彼本來不相應故離垢清淨者謂得解脫又彼解脫不離一切法如水不離諸塵垢等而言清淨以自性清淨心遠離客塵諸煩惱垢更無餘故又依彼果離垢清淨故說四偈

如清淨池水無有諸塵濁種種雜花樹周常圍繞如月離羣曜日無雲翳等無垢功德具顯現即彼體蜂王美味蜜

賢性論卷第四 第十八 竭

堅實淨真金寶藏大果樹無垢真金像轉輪聖身妙寶如來像如是等諸法即是如來身

此四行偈以八行偈略釋應知偈言貪等客煩惱猶如濁水塵無分別上智果法如池水示現佛法身一切諸功德依彼證智果是故如是說貪如濁水塵淨法離垢淨可化諸眾生如遠池藕花禪定習氣潤遠離瞋瞋瞋以大慈悲水遍益諸眾生如十五日月遠離雲羅網光明照眾生能除諸幽闇佛無垢日月離雲雲羅網智光照眾生除滅諸黑闇得無等等法能與妙法味諸佛如堅固遠離蜂蟻障真實妙功德除斷諸貧窮能與解脫勢故說金樹喻法寶真實身增上兩足尊勝色畢竟成故說後三喻又向說以二種智依自利利他業何者為二一者出世間無分別智二者依出世間無分別智轉身得身行因遠離煩惱得證智果故又何者是成就自利謂得解脫遠離煩惱障離智障得無障身清淨法身是名成就自身利益又何者是成就他利益既得

賢性論卷第四 第十九 竭

成就自身利已無始世來自然依彼二種佛身示現世間自在力行是名成就他身利益又依自利利他成就業義故說四偈

無漏及遍至不滅法與恒清涼不變異不退寂靜處諸佛如來身如虛空無相為諸勝智者作六根境界示現微妙色出於妙音聲令嗅佛成香與佛妙法味使覺三昧觸令知深妙法細思惟綢林佛離虛空相

此四行偈以八行偈略釋應知偈言略說二種法業智應當知滿足解脫身清淨真法身解脫身法身二及一應知謂無漏遍至及究竟無為煩惱盡無漏及習氣滅故無聞及無障智遍至應知無為以不滅實體不失故不失名為本恒等句解釋對於恒等句有四失應知死無常及轉不可思議退以無死故恒以常故清涼不轉故不變寂靜故不退彼究竟足跡淨智自法體具足色聲等示現於諸根如虛空無相而現色等相法身亦如是具六根境界此偈明何義經中說言如虛空相諸

賢性論卷第四 第二十 竭

佛亦尔者此依第一義諸佛如來清淨法身自體相不共法故作如是說以是義故金剛般若波羅蜜經言須菩提於意云何可以三十二大人相成就得見如來不須菩提言如我解佛所說義者不以相成就得見如來佛言如是如是須菩提不以相成就得見如來須菩提若以相成就觀如來者轉輪聖王應是如來是故非以相成就得見如來故此明何義以依如來第一義諸清淨法身明如是義又依相應義故說二偈

如空不思議常恒及清涼不變與寂靜遍離諸分別一切處不著離聞廣遍觸亦不可見取佛淨心無垢

此二行偈以八行偈略釋應知偈言解脫身法身示自利利他依自利利他彼處相應義一切諸功德不思議應知以非三慧境一切種智知諸眾生佛體

細故非聞境第一非思思以出世深密世修慧不知諸愚癡凡夫本來未曾見如盲不瞞色二乘如嬰兒不見日月輪以不生故常以不滅故恒離二故清涼

法性住不變滅寂靜一切覺故遍不住不分別離煩惱不著無智障難聞柔軟離憂遠無色不可見離相不可取以自性故淨離染故無垢

此偈明何義虛空辭喻者明諸佛如來無為諸功德不離佛法身於所有諸有得不可思議勝大方便業勝大悲業勝大智業為與一切眾生樂相無垢清淨三種佛身所謂寶佛受法樂佛及化身佛常不休怠常不斷絕自然修行以為利益一切眾生應知以不共餘人唯諸佛如來法身相應故此明何義以依此身相應諸行差別故說八偈

非初非中後不破壞不二遠離於三界無垢无分別此甚深境界非二乘所知具勝三昧慧如是人能見出過於恒沙不思議功德唯如來成就不與餘人共如來妙色身清淨無垢遠離諸煩惱及一切習氣種種勝妙法光明以為體令眾生解脫常無有休息所作不思議如摩尼寶王能現種種形而彼體非實為世間說法示現寂靜處教化使涼熱

授記令入道如來鏡像身而不離本體猶如一切色不離於虛空

此八行偈以二十五偈略釋應知偈言向說佛法身及一切種智自在與涅槃

及第一義諦不可思議法應供等功德唯自身內證應當如是知彼三身差別實法報化等所謂深快大無量功德身明實體身者謂諸佛法身略說五種相

五功德應知無為无差別遠離於二邊出離煩惱障智障三昧障以離一切垢故聖人境界清淨光明照以法性如是無量何僧祇不可數思議無等諸功德

到第一彼岸實法身相應以快不可數非思量境界及遠離習氣无邊等佛法次第不離報受種種法味示現諸妙色淨慈悲習氣無虛妄分別利益諸眾生

自然無休息如如意寶珠滿足眾生心受樂佛如是神通力自在此神力自在略說有五種說法及可見諸業不休息

及休息隱沒示現不實體是名要略說有三種自在如摩尼寶珠依種種諸色異本生諸相一切皆不實如來亦如是

方便力示現從兜率陀退次第八胎生

寶性論卷第四 第二十二法 場

寶性論卷第四 第二十二法 場

寶性論卷第四 第二十二法 場

習學諸伎藝 嬰兒入王宮 耽離諸欲相
出家行苦行 推問諸外道 往詣於道場
降伏諸魔衆 成大妙覺尊 轉無上法輪
入無餘涅槃 於不清淨國 現如是等事
世間無休息 宣說無常苦 无我寂靜名
方便智慧力 今彼諸衆生 耽離三界苦
後入於涅槃 以入寂靜道 諸聲聞人等
有是虛妄相 言我得涅槃 法華等諸經
皆說如實法 般若方便攝 迴先虛妄心
今淳熟上乘 授妙菩提記 微細大勢力
今愚癡衆生 過嶮難惡道 深快及以大
次第說應知 初法身如來 第二色身佛
譬如虛空中 有一切色身 於初佛身中
最後身亦余

自此以下即依如是三種佛身為樂
衆生利益衆生略說二偈

世尊體常住 以修無量因 衆生界不盡
慈悲心如意 智成就相應 法中得自在
降伏諸魔怨 體寂靜故常

此二行偈以六行偈略釋應知偈言
棄捨身命財 攝取諸佛法 為利益衆生
究竟滿本願 得清淨佛身 起大慈悲心
修行四如意 依彼力住世 以成就妙智

寶性論卷第四

第三十四頌 頌

雖有涅槃心 常得心三昧 成就樂相應
常在於世間 不為世法染 得淨甘露慶
故離一切魔 諸佛本不生 本來寂靜故
以常可歸依 故言歸依我 初七種譬喻
如來色身常 後三種譬喻 善逝法身常
此偈明何義諸佛如來依法身轉得
無上身不可思議應知依不可思議
故說二偈

非言語所說 第一義諦攝 離諸覺觀地
無譬喻可說 最上微妙法 不取有涅槃
非三乘所知 唯是佛境界

此二行偈以五行偈略釋應知偈言
不可得思議 以離言語相 離言語相者
以第一義攝 第一義攝者 非思量境界
非思量境者 以無譬喻知 無譬喻知者
以最勝無上 最勝無上者 不取有涅槃
不取是二者 不取功德過 前五種譬喻
微細不思議 如來法身常 第六譬喻者
以得自在故 如來色身常

究竟一乘實性論如來功德品第九

論曰已說無垢真如法身次說依彼
無垢真如法身一切功德如摩尼寶
不離光明形色諸相如來法身元量

寶性論卷第四

第三十五頌 頌

無邊自性清淨無垢功德亦復如是
以是義故依佛功德次說二偈

自利亦利他 第一義諦身 依彼真諦身
有此世諦體 異遠離淳熟 此中具足有
六十四種法 諸功德差別

此偈示現何義偈言

於自身成就住持諸佛法 故攝第一身
為他身住持 諸如來世尊 故有世諦體
佛無量功德 初身攝應知 十力四無畏
大丈夫相等 彼受樂報體 第二佛身攝
此偈明何義明十力等六十四種佛
身功德此云何知依彼義故略說二偈
佛力金剛杵 破無智者障 如來無所畏
慶衆如師子 如來不共法 清淨如虛空
如彼水中月 衆生二種見

自此已下功德品中餘殘論偈依此
二偈次第示現彼十力等六十四種
如來功德如陀羅尼自在王經廣說
應知初依十力故說二偈

慶非慶果報 業及於諸根 性信至慶道
離垢諸禪定 憶念過去世 天眼寂靜智
如是等諸句 說十種力名

又依四無畏故說三偈

寶性論卷第四

第三十六頌 頌

如實覺諸法 遮諸閻道障 說道得無漏
是四種無畏 於所知境界 畢竟知自他
自知教他知 此非遮障道 能證勝妙果
自得令他得 說自他利諦 是諸處無畏
又依十八不共佛法故說八偈

佛無過无諍 無妄念等失 无不定散心
無種種諸想 無作意護心 欲精進不退
念慧及解脫 知見等不退 諸業智為本
知三世無障 佛身八功德 及餘不說者
佛身口無失 若他來破壞 內心無動相
非作心捨心 世尊欲精進 念淨智解脫
知見常不失 示現可知境 一切諸業等
獨為本展轉 三世無障闍 廣大智行常
是名如來體 大智慧相應 覺彼大菩提
最上勝妙法 為一切眾生 轉於大法輪
無畏勝妙法 令彼得解脫

又依三十二大人相故說十一偈

足下相平滿 具足千輻輪 跟臍跖上隆
伊尼鹿王躡 手足悉柔軟 諸指皆纖長
鷄王網縵指 臂肘上下臚 兩肩前後平
左右俱圓滿 立能手過膝 馬王陰藏相
身臚相洪雅 如尼拘樹王 體相七處端
上丰如師子 威德勢堅固 猶如那羅延

寶性論卷第四

第二十九

身色新淨妙 柔軟金色皮 淨軟細平密
一孔一毛生 毛柔軟上靡 微細輪右旋
身淨光圓而 頂上相高顯 項如孔雀王
頤方若師子 鬚淨金青色 脊如日也羅
額上白毫相 通面淨光明 口含四十齒
二牙白踰雪 深密內外明 上下齒平齊
迦陵頻伽聲 妙音深遠 所食至微現
得味中上味 細薄膏美 二目深紺色
瞬眼若牛王 功德如蓮華 如是說人尊
妙相三十二 一一不離乳 普身不可燬
此佛十力四無所畏 十八不共法 三
十二大人相 略集一處 是名六十四
種功德 應知偈言

六十四功德 終因及果 報二一各差別
寶經次中說

此偈明何義 向說諸佛如來六十四
種功德 因果差別 依此次第 寶女經
中廣說 應知 又復依此 四度次第 有
四種 喻謂金剛杵 及師子王 虛空 辟
喻水中月 等有九行 偈依彼九 略略
說偈言

衝過無意心 不共他無心 故說師子
空水中月喻

又依十力金剛杵 喻故說二偈
憂非憂果性 衆生諸信根 種種道修地
過宿命差別 天眼遍盡等 佛力金剛杵
能刺碎散 斫礙 盡山牆樹
此偈示現何義 略說偈言

諸如來六力 次第三及一 所知境界中
離三昧諸障 及離餘垢障 譬如破散 截
錯牆及樹等 亦重亦堅固 亦不可破壞
如來十種力 猶如彼金剛 故說金剛杵
又依四無畏 師子王 喻故說二偈
譬如師子王 諸獸中自在 常處於山林
不怖畏諸獸 佛人王亦爾 處於諸衆
不畏及善住 堅固 喜逐等

此偈示現何義 略說偈言

知痛苦知因 遠離彼苦因 說聖道妙藥
為離病苦滅 遠離諸怖畏 善住 奮迅 城
佛王在大衆 無畏如師子 以知一切法
是故能善住 一切處不畏 離愚癡凡夫
二乘及清淨 以見我無等 於一切法中
心常定堅固 何故名奮迅 過無明住地
自在無閑家 是故名奮迅

又依十八不共法 虛空 辟 喻故說
三偈

寶性論卷第四

第二十九

四

地水火風等 彼法空中無諸色中亦无
虛空無間法 諸佛無障尋 猶如虛空相
如來在世間 如地水火風 而諸佛如來
所有諸功德 乃至無一法 共餘世間有
此偈示現何義略說偈言

聲聞及空行 智者及自在 上上微細法
故示現五大 諸衆生受用 如地水火風
離世離出世 故說虛空大 三十二功德
依止法身有 如世間燈炷 明燭及色相
相應無差別 諸如來法身 一切諸功德
無差別亦亦

又依三十二大丈夫相水中月喻故
說二偈

秋空無雲 月在天及水 一切世間人
皆見月勢力 清淨佛輪中 具功德勢力
佛子見如來 功德身亦亦

此偈示現何義略說偈言

三十二功德 見者生歡喜 依法報化身
三種佛而有 法身淨無垢 遠離於世間
在如來輪中 衆生見二處 如清淨水中
見於月影像 是三十二相 依色身得名
如摩尼寶珠 不離光色相 色身亦如是
不離三十二

實性論卷第四

諸士

竭

究竟乘實性論自然不休息佛業品第十
論曰已說無垢諸佛功德次說諸佛
如來作業彼諸佛業自然而行常不
休息教化衆生應知此依略說有二
種法自然而行以是義故依諸佛業
自然而行常不休息常作佛事故說
六偈

於可化衆生以教化方便 起化衆生業
教化衆生界 諸佛自在人 於可化衆生
常待慶待時 自然作佛事 遍覺知大乘
最妙功德聚 如大海水寶 如來智亦亦
菩提廣無邊 猶如虛空界 於無量功德
大智慧日光 遍照諸衆生 有佛妙法身
無垢功德藏 如我身無異 煩惱障智障
雲霧羅網覆 諸佛慈悲風 吹令散滅盡
此六行偈義以十四偈略釋應知偈言
以何等性智 何者何慶時 作業無分別
是故業自然 以何等根性 諸衆生可度
以何等智慧 能度諸衆生 又以何者是
化衆生方便 衆生以何慶 何時中可化
進趣及功德 為果為攝取 彼障及斷障
諸緣不分別 進趣謂十地 功德目二諦
果謂大菩提 攝苦提著屬 彼障謂無邊

實性論卷第四

第三十

竭

煩惱及習氣 斷障謂大慈 及大悲心等
是名一切時 常種種因緣 如是等六處
次第說應知 如大海水寶 空日地雲風
諸地如大海 智水功德寶 菩提如空界
廣無中後邊 為利益衆生 二種業如日
能悉遍照知 一切衆生界 皆有如來性
如地中伏藏 猶如彼大地 體安固不動
為利益衆生 見彼我無別 客塵煩惱等
本自無體性 一切皆虛妄 如雲聚不實
起大慈悲心 猶如猛風吹 煩惱智障盡
如彼雲聚散 化事未究竟 故常在世間
從本際以來 自然不休息

問曰如向所說諸佛如來不生不滅
若如是者即無為法無為法者不修
行業云何自然不休息常教化衆生
事答曰為示現彼諸佛大事斷諸疑
惑是故依彼不可思議無垢清淨諸
佛境界示現大事故以譬喻說一行偈
帝釋妙鼓雲 梵天日摩尼 響及虛空地
如來身亦亦

依此一行修多羅攝取義偈九種譬
喻自此以下廣說餘殘六十六偈應知
又復依彼廣說偈義九種譬喻略說

實性論卷第四

第三十二

竭

彼我及以次第廣說如來無上利益
一切眾生修行究竟以十九偈解釋
應知偈言

遠離一切業未曾見有果為一切疑人
除諸疑網故說九種譬喻彼修多羅名
廣說此諸法彼修多羅中廣說九種喻
彼名智境界快妙智莊嚴有智者速入
具足佛境界說彼天帝釋琉璃鏡像等
九種諸譬喻應知彼要義見說及遍至
以難諸相智身口意業密大慈悲者得
離諸功用無分別寂靜以智故無垢
如大毗琉璃帝釋等譬喻智究竟滿足
故究竟寂靜以有淨智慧是故無分別
為成種種義故說釋等喻為成彼義者
說九種見等離生離神通諸佛現是事
是名為略說種種義譬喻先喻解異後
後喻解異前佛體如鏡像如彼琉璃地
人非不有聲如天妙法鼓非不作法事
如彼大雲雨非不作利益而亦非不生
種種諸種子如梵天不動而非不淳熟
如彼大日輪非不破諸闇如彼如意寶
而非不希有猶如彼聲響非不因緣成
猶如彼虛空非不為一切眾生作依止

猶如彼大地而非不住持一切種種物
以依彼大地荷負諸世間種種諸物故
依諸佛菩提出世間妙法成就諸白業
諸禪四無量及以四空定諸如來自然
常住諸世間有如是諸業一時非前後
作如是妙業

究竟乘寶性論校量信功德品第十一
論曰向說四種法自此已下明有慧
人於彼法中能生信心依彼信者得
得功德說十四偈

佛性佛菩提佛法及佛業諸出世淨人
所不能思議此諸佛境界若有能信者
得無量功德勝一切眾生以求佛菩提
不思議果報得無量功德故勝諸世間
若有人能捨摩尼珠珍寶遍布十方界
無量佛國土為求佛菩提施與諸法王
是人如是施無量恒沙劫若復有人聞
妙境界一句聞已復能信過施福元量
若有智慧人奉持無上戒身口意業淨
自然常護持為求佛菩提如是無量劫
是人所得福不可得思議若復有人聞
妙境界一句聞已復能信過戒福無量
若人入禪定梵三界煩惱過天行彼岸

無菩提方便若復有人聞妙境界一句
聞已復能信過禪福無量無慧人能捨
唯得富貴報修持禁戒者得生人天中
修行新諸障非慧不能除慧除煩惱障
亦能除智障聞法為慧因是故聞法勝
何況聞法已復能生信心

此十四偈以十一偈略釋應知偈言
身及彼所轉功德及成義示此四種法
唯如來境界智者信為有及信畢得
以信諸功德速證無上道究竟到彼岸
如來所住處信有彼境界彼非可思議
我等可得彼彼功德如是唯深信勝智
以精進念定修智等功德無上菩提心
一切常現前以常現前故名不退佛子
彼岸淨功德畢竟能成就五度是功德
以不分別三畢竟及清淨以離對治法
施唯施功德持戒唯持戒餘二度修行
謂忍辱禪定精進遍諸處懷等所治法
名為煩惱障虛分別三法是名為智障
遠離彼諸障更無餘勝因唯真妙智慧
是故般若勝彼智慧根本所謂聞慧是
以聞慧生智是故聞為勝
又自此已下明向所說義依何等法

說依何等義說依何等相說初依彼法故說二偈

我此所說法為自心清淨依諸如來教修多羅相應若有智慧人聞能信受者我此所說法亦為攝彼人

自此已下依彼義故說二偈

依燈雷摩尼日月等諸明一切有眼者皆能見境界依佛法光明慧眼者能見以法有是利故我說此法

自此已下依彼相故說二偈

若一切所說有義有法句能令修行者遠離於三界及示寂靜法最勝無上道佛說是正經餘者顛倒說

自此已下依護法方便故說七偈

雖說法句義新三界煩惱無明覆慧眼貪等垢所纏又於佛法中取少分說者世典善言說彼三尚可受何況諸如來遠離煩惱垢無漏智慧人所說修多羅以離於諸佛一切世間中更無勝智慧如實知法者如果說了義彼不可思議思者是謗法不識佛意故謗聖及壞法此諸邪思憊煩惱愚癡人妄見所計故故不應執著邪見諸垢法以淨衣受色

實法論卷第四 第三十六偈

垢膩不可添

自此已下依謗正法故說三偈

愚不信自法邪見及憍慢過去謗法障執著不了義者崇養恭敬唯見於邪法遠離善知識親近謗法者樂著小乘法如是等眾生不信於大卡故謗諸佛法自此已下依謗正法得惡果報故說六偈

智者不應提怨家地之毒因惡羅羅塵刀杖諸惡獸師子虎狼等彼但能斷命不能令人入可畏阿鼻獄應畏謗深法及謗法知識決定令人入可畏阿鼻獄雖近惡知識惡心出佛血及殺害父母斷諸聖人命破壞和合僧及斷諸善根以繫念正法能解脫彼覆若復有餘人誹謗甚深法彼人無量劫不可得解脫自此已下依於說法法師生敬重心故說二偈

若人令眾主學信如是法彼是我父母亦是善知識彼人是智者以如來滅後迴邪見顛倒令入正道故自此已下依彼說法所得功德以用迴向故說三偈

實法論卷第四 第三十七偈

三寶清淨性菩提功德業我略說七種與佛經相應依此諸功德願於命終時見無量壽佛無邊功德身我及餘信者既見彼佛已願得離垢眼成無上菩提自此已下略說句義偈言

依何等法說依何等義說依何等相說如彼法而說如彼義而說如彼相而說彼一切諸法六行偈示現護自身方便以七行偈說明非謗正法故有三行偈六偈示彼因以二偈示現於彼說法人深生敬重心大眾聞忍受得彼大菩提略說三種法示現彼果報

究竟乘實性論卷第四

癸卯歲高麗國大藏都監奉勅雕造

實法論卷第四 第三十八偈